



La Géorgie

Indépendante

Revue mensuelle

J U I N

1932—N° 78

ი ვ ნ ი ს ი

1932 წ.

№ 78

# დღემოუკიდავალი საქართველო

ს ა ქ ა რ თ ვ ე ლ ო ს    პ ო ლ ი ტ ი კ უ რ ი    პ ა რ ტ ი ე ბ ი ს    ო რ გ ა ნ ო.

## მ ი ნ ა ა რ ს ი:

მეთაური—ჯანყის უფლება.  
 უჩინარი—ბოლშევიკი. სკოლა და კულტ. საქმ—ბა.  
 გაქი—რუსეთის რევოლუცია.  
 მუსულმანური აღორძინება.  
 «კავკასიის გმირი ხალხის ტრაგედია».  
 ოთარი—წერილი სპარსეთიდან.

მ.—ანი—მდგომარეობა გერმანიაში.  
 ქართული ენის კათედრა ბელგიის უნივერსიტ.  
 ენევა დღესასწაულობს 26 მაისს.  
 26 მაისი პაროზში, ბერლინში.  
 ქ-ბ მაგდა მნურატის მოხსენება.  
 ს. ფინგსალავა—ისტორიული ამბები.

## ჯ ა ნ ყ ი ს    უ ფ ლ ე ბ ა

მას შემდეგ, რაც რევოლუციონერები გაჩნდნენ, და რევოლუციური პარტიები, ჯანყის უფლება ანუ droit de révolte ტირანების წინააღმდეგ სამღვთო უფლებად... რას ვამბობთ—მოვალეობად ითვლებოდა. მეორე ინტერნაციონალი და მისი ეგზეკუტივი თითქო ამ კატეგორიის ხალხისგან შესდგებიან და, მიუხედავად ამისა, ისინი არამც თუ არ სცნობენ ჯანყის უფლებას, სულაც კი აუქმებენ მას!

თქვენ წაიკითხეთ ალბათ ეგზეკუტივის მაისის დადგენილება ციურისში, რას გხედავთ იქ? საბჭოთა კავშირის ჩაგრულმა ერებმა არ უნდა ისარგებლონ მოსალოდნელი ომი შორეულ აღმოსავლეთში და, თანახმად ბერლინის დადგენილებისა, არას გზით არ უნდა აუჯანყდნენ ტირანებსო. ბერლინის დადგენილებაში 1930 წ. ეგზეკუტივი არ ეხებოდა ომს, მან აღუკრძალა სოციალისტურ პარტიებს ეროვნული განმათავისუფლებელი ბრძოლა, სანამ საბჭოთა კავშირში დემოკრატია არ გაიმარჯვებსო.

ისმის მთელი რიგი კითხვებისა: როგორ გაიმარჯვებს დემოკრატია, თუ არ იბრძოლე მისთვის? რა არის ჩაგრულ ერისთვის დემოკრატია, თუ არა უცხო უღლისაგან განთავისუფლება? რა რეჟიმია საბჭოთა კავშირში, თუ არა ტირანია?

ეგზეკუტივი სდუმს, რა თქმა უნდა, ამ კითხვებზე, სამაგიეროდ ის სერიოზულად აცხადებს, რევოლუცია უნდა დაიცივათ! ვანდერველდე, ინტერნაციონალის თავმჯდომარე, ერთ თავის მეთაურში ბრიუ-

სელის «პეპლ»-ში ამბობს: თუ ომი ატყდა, ჩვენ, რასაკვირველია, საბჭოთა მხარეზე ვიქნებით, რადგან «რევოლუცია უნდა ვიხსნათო». რომელ რევოლუციას ვაპარაკი?—იმზე, ცარიზმი რომ დასცა, თუ იმაზე, ხმელეთის მეექვსედი მონათა უდაბნოდ რომ აქცია?

ეგზეკუტივი ბევრს ლაპარაკობს იმპერიალიზმზე, და «თუ ომი ატყდა», ის ავალებს ინტერნაციონალში შემავალ პარტიებს აიძულონ მთავრობანი, რათა ეკონომიურ-ფინანსიური ბოიკოტი გამოუცხადონ იაპონიას, ხოლო მუშათა ორგანიზაციებმა კი საბოტაჟით უნდა უპასუხონ იაპონიაში გასატან საქონელს, პირველ რიგში—იარაღს. ესლა ვიკითხოთ, არის თუ არა რამე ეგზეკუტივის დადგენილებაში მოსკოვის იმპერიალიზმზე? არასფერი, ერთი კრინტიც! ვსთქვათ, საქართველო არ მოაგონდა ეგზეკუტივს—შორსაა მოსალოდნელ ომის ასპარეზიდან—, რად დაივიწყა ვარე-მონღოლეთი, ის ხომ იქვეა? ვინ აფეთქებს ჩინეთს, ვინ ალვივებს იქ ანარქიას, ვინ აიარალებს ლენერლებს, ვინ დაესხა მანჯურიას? არის ყველა ამაზე რამე დადგენილებაში? არა და არა!

ჩვენ დავინახეთ, რომ ეგზეკუტივი «რევოლუციის» ხსნისთვის ზრუნავს, შიშობს, ვაი თუ კონტრ-რევოლუციამ, რეაქციამ გაიმარჯვოსო. რომელი კონტრ-რევოლუცია, რომელი რეაქცია შეედრება იმას, რაც საბჭოთა კავშირშია? განა არსებულა ოდესმე ისეთი ჯოჯოხეთი, როგორიც იქაა? განა

შეიძლება უარესის წარმოდგენა სტალინის რეჟიმის ნაცვლათ? მასლაათი ბონაპარტიზმზე ხომ მარტო-ოდენ ულაზათო ხუმრობაა.

ჩვენ ისიც დავინახეთ, რომ ეგზეკუტივი ანგარიშს არ უწევს ჩაგრულ ერთა ტანჯვა-ვაებას, რას ეუბნება ის რუსის ერს? ამოუდები გვერდში შენს მტარვალებს, ქვეყანა დაიცავია! აი, პატრიოტიზმიც ასეთი უნდა! თითქო არ იცის ეგზეკუტივმა, რომ ხალხი გარბის საზღვრებიდან, არ ეშინია ტყვიის, ოღონთ თავი დააღწიოს «თავის ქვეყანას».

რამდენათ დაშორებული უნდა იყოს ეგზეკუტივი რუსის ხალხის გულისტქმას, მის ზრახვებს, როცა ასეთ რჩევას აძლევს. მან არ იცის ალბათ—ვინც იცის, არ ეუბნება—, რომ რუსის ხალხი სწორეთ ომზე ოცნებობს, მისგან ელის ხსნას! ამიტომ გაუბრძის მას სტალინი და «მშვიდობიანობას» ებღაუჭება.

ცნობილია, მონად ქცეულ ხალხს არ შეუძლია თავის დაცვა, ეს ეგზეკუტივმაც იცის და ამიტომ მის დადგენილებაში მორცხვით არის ნათქვამი, საბჭოთა მთავრობამ უნდა აწარმოვოს ისეთი პოლიტიკა, რომელიც გაუადვილებს «სოციალისტურ ძალებს რუსის რევოლუციის დაცვას». თუ «რუსის რევოლუციანე»-ა ლაპარაკი, ეგზეკუტივს, პირველ რიგში, თვით რუსის ხალხზე უნდა ეზრუნა,—მოსთხოვს ის თუ არა საბჭოთა მთავრობას ხელი აიღოს ტირანიანზე, ტერორზე, ცარცვა-გლეჯაზე? არასფერი ამის მზგავსი, მაშ-როგორ დაიცვას «რევოლუცია»?

ჩვენ ბევრი კითხვითი ნიშანი დავსვით და პასუხს არ მოველით, რა თქმა უნდა, მაგრამ ერთი პასუხი ისედაც ცხადია ჩვენთვის. მეორე ინტერნაციონალი ბევრ რამეში არა ჰგავს პირველ ანუ ძველ ინტერნაციონალს, თუმცა პროგრამა და ფრაზეოლოგია თითქმის იგივე დარჩა. ეს აიხსნება, სხვათა შორის, იმიტაც, რომ მასში შემავალი სოციალისტური პარტიები ჩვენს დროში დიდ პოლიტიკურ ძალად ქცეულან, იღებენ მონაწილეობას ქვეყნის მართვა-გამგეობაში, ან კიდევ ელიან მიიღონ, ამიტომ პასუხისმგებლობის გრძობა გაცილებით უფრო დიდი აქვთ დღეს, ვინემ წინეთ. რამდენი ყოფილი მინისტრი, თვით პრემიერიც ესწრება მის კონგრესებს!

მშვიდობიანობისთვის ბრძოლა ინტერნაციონალს თავის უპირველეს ამოცანად დაუსახავს—და ამაში ჩვენი თანაგრძობა მის მხარეზეა—, მაგრამ ეს კიდევ არ ნიშნავს, რომ ჩაგრულმა ერებმა, თვით რუსის ერმა, თუ გინდ ერთი წუთითაც შეაჩერონ ტირანებთან ბრძოლა. ღრმათ შემტდარია ინტერნაციონალი, როცა ფიქრობს, რომ საბჭოთა სამფლო-

ბელოში კიდევ დარჩენილა რევოლუციის რამე ნატამალი, ის იცავს ამ შემთხვევაში, მის და უნებლიეთ, არა მარტო რეაქციას—ეს იქნებოდა ნაკლები ბოროტება—, არამედ ისეთ ველურ რეჟიმს, რომლის მზგავსი არ მოსწრებია დაწინაურებულ ქვეყნებს.

კარლ კაუცკის ვერავინ დასწამებს ინტერნაციონალის ორგულობას, რომლის დიდი თეორეტიკოსი იყო და დარჩა, მაგრამ ჯანყის უფლებას ის კატეგორიულათ სცნობს ჩაგრულ, სახელოდობრ—ქართველ ერისთვის, აგრეთვე რუსის ერისთვის. სხვა საკითხია, რამდენათ მიზანშეწონილად მიანია ეს მას, არ დავმალავთ—მან იგი მიზანშეუწონლად სცნო საბჭოთა მაშინდელ—ექვსი თუ შვიდი წლის წინ—პირობებში. მაგრამ ჩვენც სომ არ გვითქვამს ქართველ ერისთვის, გინდა არ გინდა, აჯანყდიო! ეს მხოლოდ ტაქტიკის კითხვაა, დამოკიდებული დროსა და გარემოებაზე.

მაშასადამე, ჯანყის უფლება ტირანების წინამდევ, როგორც რევოლუციური დებულება, ძალაში რჩება. ქართველ ერს. ისე, როგორც მის მეზობელ, საზოგადოთ ყველა ჩაგრულ ერებს ვერავინ წაართმევს ამ უფლებას, და ისარგებლებენ კიდევ ამისათვის შერჩეულ ხელსაყერო დროს. ნათქვამია, გამარჯვებულთ არავინ დაძრახავს, და თუ გაიმარჯვენ, თვით ბრძოლის პროცესშიც, ჩვენ ღრმათა გვწამს, რომ არა მარტო კაუცკი, თვით ინტერნაციონალიც მთელის თავის პრესტიჟით ჩაგრულთა მხარეზე იქნება.

ჩვენ არ უნდა დავივიწყოთ, რა დიდი გავლენა აქვს და ექნება მომავალში ინტერნაციონალს და მასში შემავალ პარტიებს სათანადო სახელმწიფოს ხელისუფლებაზე, მისი თანაგრძობა და გამოსარჩლება დაუფასებელია ჩაგრულ ერთათვის.

განა ინტერნაციონალმა არ აღიმაღლა ყველაზე წინ ხმა ჩვენი ქვეყნის სასარგებლოთ? რამდენი დადგენილება აქვს მას მიღებული საქართველოდან უცხო ჯარების გაყვანის შესახებ? გაიხსენეთ, რათა ღირს მარტო ეგზეკუტივის მიერ ერთ-ერთ მის მანიფესტში ნახმარი ფრაზა: ძველი ინტერნაციონალის დროშაზედ პოლონეთის თავისუფლება ეწერა, ხოლო ახალ ინტერნაციონალის დროშაზედ საქართველოს თავისუფლება სწერია. და ეს იყო სწორეთ აჯანყების მეორე დღეს. ოქტომბერს 1924 წელს!

ცხადია აქედან, ინტერნაციონალში შემავალი ქართული პარტიები და მათი ხელმძღვანელები გარკვეებული ენერგიით უნდა ეცადონ, რომ ჩვენს გაწამებულ ერს არ მოაკლდეს მისი აქტიური თანაგრძობა და გამოსარჩლება.

### ბოლშევიკური სკოლა და კულტურული საჰმინოზა

(წერილი საქართველოდან)

#### 3. ინსტიტუტები.

უცვლელ მიზანს უცვლელი მეთოდი მოჰყვება თან. უმაღლეს სასწავლებლებშიაც არას დროს არ ყოფილა ისეთი ქაოსი როგორც ამ ქამად არის. წელიწადში რამდენჯერმე იცვლება ინსტიტუტების სახე და შინაარსი, მცირდება სამოსწავლო დრო მაქსიმალურად, რომ ახლო მომავალში დიდი რიცხვები მივიღოთ მაღალი სპეცების. შინაარსით კი ვერას მივიღებთ 3 წლიანი ინსტიტუტებიდან, რადგან ამ სამი წლიდან წელიწად ნახევარი საწარმოო პრაქტიკისათვის არის გამოყოფილი.

სულ საწარმოო პრაქტიკით ინსტიტუტებში შემდეგი დრო არის დაწესებული: აგრონომიული ინსტიტუტებისათვის სამი წელი, ერთი ამთავანი—ჩაის ინსტიტუტი—გადაიტანეს ოზურგეთში, პედაგოგიური ხასიათის ინსტიტუტებში 3 წელი, ხოლო საინჟინერო ხასიათის ინსტიტუტებში, ზოგან 3 წელი, ზოგან 4 წელი. მაგრამ სამოსწავლო დროს ნახევარი პრაქტიკას უნდება. ცხადია იმის გავლას, რასაც უკეთესად მომზადებული სტუდენტობა უნდებოდა 4 და 5 წელიწადს. წელიწად ნახევარში ან 2 წელში და ისიც ისეთი სუსტი მომზადებული, როგორსაც საშუალო სკოლა აწვდის ინსტიტუტებს,—ვერ შესძლებს იმ უმნიშვნელო დროსაც კი, რომელიც სტუდენტს რჩება. ნოემბრიდან მთელი ტვილისის სტუდენტობა გარეკეს ყარაიანში და კახეთში ბაშბის საკრფათ, წავიდა ყველა ინსტიტუტი: საექიმო, პედაგოგიური, საინჟინერო და სხვა სახის. სიტყვით დიდ დახმარებას უწევდენ სტუდენტობას, სინამდვილეში კი სიცივეში ხალათის ამარა სტუდენტები გარეკეს ყარაიანის და შირაქის ველზედ. აკადემიური მუშაობის სიმძიმე გადატანილია ლენინისთვის, ეკონომიურ პოლიტიკის, კომპარტიის ისტორიის და სამხედრო საგნების შესწავლაზე. თუ როგორ აფასებს მეცნიერულ მხარეს საბჭოთა უმაღლესი სასწავლებელი, ამას ისიც ნათელყოფს, რომ ყოფილ ქართული უნივერსიტეტიდან გაიდევნენ საუკეთესო პროფესორები. აწმყო და მომავალიც დიდი ხანია ბოლშევიკებმა დაგმეს, ხოლო ისტორია საქართველოსი არც ერთი ტიპის სკოლაში არ ისწავლება (გამონაკლის შეადგენს ჯერჯერობით პედ. ინსტიტუტის ისტ. დარგი). ახალი მეთოდი—ლაბორატორული სისტემა უღაბარატორიოთ და მთელი ანარქია უმაღლეს სასწავლებლებისა დადებით მუშაობას შეუძლებლად ხდის.

ამას ემატება ზედ სტუდენტთა აუტანელი ეკონომიური პირობები: სახლიდან არაფერი მოსდით, რადგან ოჯახები უკვე გაცარცულია და პირიქით თხოულობენ დახმარებას, ხოლო უნივერსიტეტი აძლევს უკეთეს შემთხვევაში 75 მანეთიდან 100 მანეთამდე (100 მან. რჩეულთათვის, ხოლო უბრალო მომავლავისათვის 45-60 მან.), ამ თანხიდანაც მიაქვთ

20 პროც. მაინც ყოველთვიურად ობლიგაციებში «სოციალისტურ ჩერვონცში» და სხვადასხვა გამოწვევებში. თუ საშუალო გლეხის შვილია, მაშინ ხომ გადასახადით ტყავი ძვრება, ხოლო ე. წ. კულაკის შვილს სულ არ ღებულობენ. მასწავლებლად შერეკილია ამ ინსტიტუტებში სრულიად შემთხვევითი პირები, წითელ პროფესორად მონათლულები: შირია, ვაშაყმაძე, მურაჩიშვილი და სხვა. როცა რომელიმე პროფესორი სწერს მეცნიერულ ნაშრომს, თუ შიგ სტალინურ ხაზს არ ემსახურება, აიძულებენ უარი სთქვას თავის ნაშრომზე. ზოგი პროფესორი მტკიცედ სდგას ქეშმარიტების საფუძველზე და გაბედულად გადასძახებს აუდიტორიას: «დედამიწა მაინც ბრუნავს», ზოგი კი ხელებს მაღლა სწევს და ლაღდებს თავის შეცდომებზე და მოუშნადებლობაზე. მაგ. პროფ. შალვა ნუცუბიძემ მისი შრომის გასამართლების შემდეგ განაცხადა: «ჩემი ნაშრომები არავითარ ღირებულებას არ წარმოადგენს და იგი ისტორიის არქივისთვის ჩამიბარებია». ახალმა პროფესორმა ტოროშელიძემ იმით დაიძვრინა თავი თავდასხმისაგან, რომ საქვეყნოდ განაცხადა: «შეცდი და არ დამიჯეროთ» (ან კი ვინ დაუჯერებდა შემთხვევით გაპროფესორებულ ტოროშელიძეს). პროფ. უზნაძე დიდი ხანია მუშაობს საკითხზე: «ბიოსფეროული ფსიქოლოგია». მის მუშაობას აქვს საკმაოდ დადებით მეცნიერული შედეგი. ინკვიზიციამ, რომელიც მას გაუმართეს მარქსიზმისა და ლენინიზმის ინსტიტუტში, მონათლა იგი ყველა იმ სახელით, რომლითაც იძულებული უნდა გახდეს პროფესორი მუშაობას თავი გაანებოს...

#### 4. სხვადასხვა ტიპის სკოლები.

როგორც ვხედავთ, აღზრდას მიზნად უსახავს ბოლშევიზმი თავისი ბატონობის განმტკიცებას. ძალაუფლების შენარჩუნება კი თხოულობს მას ყავედეს დამცველები და მისი დირექტივების შემსრულებლები. ბავშვები ვერ იზრდებიან ისე ჩქარა როგორც ეს ბოლშევიკებს ესაუირობათ და აი ნაჩქარევი სპეცების მისაღებად ხელისუფლებამ არსებს სხვადასს კა ტიპის სკოლებს თუ კურსებს მოზდილთათვის. მაგალითად ჩაისთვის დასჭირდა აგრონომები ჩაქვში და ოზურგეთში გახსნეს 4 თვიანი კურსები, საიდანაც მივიღეთ ჩაის «აგრონომები». მათი მოვალეობა და მუშაობა უმთავრესად იმაში გამოინახატებოდა, რომ გლეხებს არ დაეთესათ სადმე სიმინდი და მის მაგივრად ეთესათ ჩაი. ბუღალტერების მოსამზადებლად ჩამოყალიბდა 3 თვიანი კურსები კახეთში, გურიაში. სრულიად დაბალი ცოდნის ხალხს 5 წლის განმავლობაში ამზადებენ უნივერსიტეტში შესასვლელად...

უჩინარი.

რუსეთის რევოლუცია

II.

როგორც წინა წერილში აღვნიშნე, რუსეთის მუშათა კლასმა და გლეხობამ თებერვლის რევოლუციის პროგრამასა და დემოკრატიას ზურგი შეაქცია და მაქსიმალიზმის, დიქტატურისა და ტერორის გზას გაყვა. ბევრმა ამის გამო თებერვლის შემდეგი რევოლუციის მთელი პერიოდი რეაქციით და კონტრ-რევოლუციით გამოაცხადა. სამოქალაქო ომმა და ბოლშევიკების ტერორმა რევოლუციას ჩამოაშორა ის იდიალური შარავანდედი, რომლითაც მას თავის უფლებებისთვის მებრძოლი ინტელიგენცია მოსავდა და რომელსაც თებერვლის რევოლუცია პირველ დღეებში ატარებდა.

მაგრამ ასე კითხვის დასმა, ტერორისა და რეპრესიების სახომით რევოლუციის გაზომვა, არ არის სწორი. ასე რომ კითხვას მიუდგეთ, მაშინ გამოვა, რომ საფრანგეთის დიდ რევოლუციაში იაკობინელთა ბატონობის პერიოდი და რომესპიერის დიქტატურის ხანა კონტრ-რევოლუცია იყო, არა რევოლუცია. დღეს ამას არავინ ამბობს. ამ სახომით რომ გერმანიის რევოლუცია განვიხილოთ, უქვევლათ შევცდებით მის დაფასებაში და ძნელი გასაგები ვახდებთ, —სად იწყება რევოლუცია და სად —კონტრ-რევოლუცია. გამოვა, რომ ნოსკე კონტრ-რევოლუციონერია, ხლო კომუნისტი ტელმანი —რევოლუციონერი. პრუსიის შინაგან საქმეთა მინისტრი, რომელიც ნაციონალ-სოციალისტებს ებრძვის დღეს, ამ სახომით გამოდის რეაქციონერი და კონტრ-რევოლუციონერი, ხლო პიტლერი —რევოლუციონერი.

კომუნისტები და ფაშისტები სადაც თვითონ არ ბატონობენ, სწორეთ ასე აყენებენ იქ საკითხს და ზოგჯერ პოლიტიკურათ გაუწვრთნელი მასსა მართლა შეყავთ შეცდომაში. ბოლშევიკები ჯვარზედ აკრავდენ დროებით მთავრობას იმის გამო, რომ იგი მათ წინამდევ რეპრესიებს ხმარობდა, სიტყვის თავისუფლებას ზღუდავდა. გერმანიაში დღეს რასისტები და კომუნისტები პარლამენტისა და თავისუფლების უკიდურეს დამცველათ გამოდიან, მაგრამ სვალ კი, რომ ძალაუფლება მათ ჩემუვარდეთ ხელში, პარლამენტსა და ყოველგვარ თავისუფლებას მოსპობენ.

მაშასადამე საქმე რეპრესიებში კი არ არის, საპირობების დროს მას ყველა ხმარობს, არამედ მასში —რას იცავს და ვის იცავს. დღეს გერმანიის სოც.დემოკრატია იცავს ვეიმარის კონსტიტუციას, ე. ი. იმ პოლიტიკურ და ეკონომიურ ურთიერთობას, რომელიც რევოლუციის დროს გერმანიის მუშათა კლასმა და დემოკრატია დაამყარა. რევოლუციამ იპპერატორის, მეფეების, იუწყერ-მემამულეებისა და კაპიტალისტ მაგნატების ბატონობა მოსპო და ამის მაგიერ დემოკრატიული წესწყობილება შემოიღო, სადაც მთავარ როლს მუშათა კლასი თამაშობს. სოც.დემოკრატია ამას იცავს და ცხადია ის ისევ რევოლუციის ნიადაგზე სდგას. მას ზურგს უმაგრებს მუშათა კლასის უმეტესობა და დანარჩენი დემოკრატია. მასთან კონტრ-რევოლუციონური კლასები კი არ არიან, არამედ ისინი, რომლებმაც რევოლუცია

მოანდინეს. მართალია, ეს კლასები დასუსტდენ, ესენი დღეს თავდაცვის მდგომარეობაში იმყოფებიან, მაგრამ ეს სულ სხვა საქმეა.

ვის ებრძვიან პიტლერისტები და რას იცავენ ისინი? ებრძვიან ვეიმარის კონსტიტუციას, ე. ი. იმ კლასებს, რომლებმაც რევოლუციაში გაიმარჯვეს. მათ უნდათ აღადგინონ ამა თუ იმ სახით, მემამულეთა და კაპიტალისტთა მაგნატების ძველი ბატონობა. ამიტომ არის, რომ ნაციონალისტების ზურგს უკან სდგანან ყველა ის რეაქციონური და კონტრ-რევოლუციონური ელემენტები, რომლებმაც რევოლუციის გამო ძალაუფლება დაკარგეს. საქმე ამაშია და არა იმაში, რომ პიტლერმა ნაციონალიზმის მარკა მიიკრა შუბლზე. როგორც ეს შენიშნა «ფორვერტს-მა», მღებავი პიტლერი მარშალ ჰინდენბურგს ერის ინტერესების დაცვას ვერ ასწავლის. მე ჩემის მხრით დავუმატებდი —ვერც გერმანიის სოციალდემოკრატია. ცხადია —პიტლერი და მისი მოძრაობა კონტრ-რევოლუციაა. გერმანიის დემოკრატიის შეცდომა მასშია, რომ იგი თავიდან ამ კლასებს რბილათ მოეპყრა, მეტის მეტი «კანონიერება» გამოიჩინა.

რუსეთის რევოლუცია უფრო რთული და დახლართულია. ის, რომ მან უარყო დემოკრატია და დიქტატურის გზით წავიდა, ამან კიდევ უფრო ბურჟუსში გახვია რევოლუციის მიზანი და სოციალურ-პოლიტიკურ მოვლენათა გარკვევა ძნელი შეიქნა. მაგრამ ეს მარტო რუსეთის რევოლუციის ბედი არ არის. ასეთივე პროცესი განიცადეს ინგლისისა და საფრანგეთის რევოლუციებმა; მათ დემოკრატიით და თავისუფლებით დაიწყეს და მერმე განვლეს ტერორისა და პირადი დიქტატურის პერიოდი. როგორც ზევით აღვნიშნე, ამ ნიადაგზე დღეს ჩვენს თვალისწინ ბრძოლა სწარმოებენ გერმანიაშიც.

მართალია, ზემო დასახელებულ ქვეყნებში დემოკრატია უფრო ძლიერი აღმოჩნდა და უფრო მეტი უნარი გამოიჩინა ძალაუფლებისთვის ბრძოლაში, ვინემ რუსეთში, მაგრამ ეს ერთხელ კიდევ გვეუბნება მას, თუ რა ძნელია პოლიტიკურათ გაუწვრთნელი და კულტურულათ ჩამორჩენილი ერისთვის დემოკრატიული წესწყობილების დამყარება. ეს მეოცე საუკუნეში არა სასურველი და საწყენი მოვლენაა, მაგრამ იგი ისტორიული ფაქტია და ჩვენც ამ ფაქტიდან უნდა გამოვიდეთ რუსეთის რევოლუციის დაფასების დროს.

ფაქტი კი გვეუბნება: დიქტატურა სამხედრო კომუნისმის ხანაში იყო რევოლუციონური. ჩვენ იგი არ მოგვწონს, მაგრამ ამით რუსეთის სინამდვილეს თავზე ვერ გადაახტები. რევოლუციონური კლასები —პროლეტარიატი და გლეხობა სამოქალაქო ომის დროს ებრძოდა კონტრრევოლუციონურ კლასებს, რომელთაც რევოლუციამდის არსებული წესწყობილების აღდგენა სურდათ. თეთრ გვარდიელთა მოძრაობის მიზანი იყო მემამულეთა ბატონობის აღდგენა და თვითპყრობელობის გაცოცხლება. სადაც ბატონობდენ, იქ კიდევ ანხორციელებდენ ამას.



მუშებმა და გლეხობამ კონტრარევოლუცია დაამარცხეს. შედეგათ მათ მიიღეს: მუშებმა—სამხედრო კომუნიზმი, მაშინ ეს მას აკმაყოფილებდა, გლეხობამ—მიწა, გარდა ამისა ორივე ეს კლასი ამ დროს ძალაუფლების მატარებელი გახდა. ადგილობრივი საბჭოები და საქარხნო კომიტეტები მათ ხელში იყო. მოკლეთ, დაჩაგრული კლასები გახდნენ სახელმწიფოს ბატონ-პატრონი. რევოლუციის დანიშნულება ამაში გამოიხატება. ვაბატონებულ კლასს ცვლის დაჩაგრული, აი რევოლუციის მთავარი დამახასიათებელი სოციალურ-პოლიტიკური მოვლენა. საფრანგეთის რევოლუციაში თავად ახნაურობა ბურჟუაზიამ შესცვალა, ამიტომ იგი ბურჟუაზულ რევოლუციით არის ცნობილი ისტორიაში.

რას წარმოადგენს რუსეთის რევოლუცია, რა არის იგი? ამ კითხვაზე ერთი პასუხი არასოდეს არ არსებობდა, იგი ჯერ კიდევ 1905 წ. იწვევდა დავას.

კ. კაუცკი ფიქრობდა, რომ რუსეთის რევოლუცია იქნება საშუალო ბურჟუაზიულსა და სოციალურ რევოლუციას შორის, ანუ დემოკრატიული (იხ. მისი წიგნი «რუსეთის რევოლუციის მამოძრავებელი ძალები»). რუსეთის სოციალდემოკრატები, როგორც მენშევიკები, ისე ბოლშევიკები ამტკიცებდნენ—რევოლუცია იქნება ბურჟუაზიული, მხოლოდ იმ განსხვავებით, რომ მის დამყარებაში მთავარ როლს მუშათა კლასი და გლეხობა ითამაშებს. პარუსის და ტროცკი გამონაკლისს შეადგენდნენ და ამტკიცებდნენ—რუსეთის რევოლუცია იქნება ევროპის სოციალური რევოლუციის წინამორბედი. რუსეთის ნაროდნიკები—ესერები და სხვები დარწმუნებული იყვნენ მასში, რომ რუსეთის გლეხობის გამარჯვება სოციალიზმის განხორციელების ნიშანი იქნებოდა.

დღეს ძველ პოზიციაზე დარჩენ მხოლოდ რუსეთის მენშევიკები და ტროცკი. მენშევიკები დღესაც ამტკიცებენ, რომ რევოლუცია ბურჟუაზულ-კაპიტალისტური წესწყობილების განმტკიცებით დასრულდება (იხ. მათი პლადფორმა და დანის წერილი «სოც. ვესტ.» ამა წლის № 6). ტროცკი თავის ძველ პოზიციაზე სდგას. ლენინის პარტიამ ტროცკის შეხედულება გაიზიარა, სტალინის პარტიამ—იგი უარყო და ევროპის დამოუკიდებლათ «აშენებს სოციალიზმს». ესერებმა უკან დაიხიეს მენშევიკებისკენ. რუსეთის რეაქციონერები თავის მხრით ამტკიცებენ, რომ ყოველივე ეს, რაც საბჭოთა კავშირში მოხდა და ხდება, ნამდვილი სოციალიზმია. ამას ისინი ამბობენ პოლიტიკური ანგარიშით, რათა სოციალიზმი პრესტიჟი დასცენ ხალხის თვალში და გარდა ამისა, ისინი ძლიერ მწყურდნი არიან სოციალისტური თეორიების ცოდნაში. ვნახოთ ვინ არის მართალი.

სამხედრო კომუნიზმი სოციალიზმი არ იყო, ეს თვით ლენინმა და მისმა მიმდევრებმა აღიარეს საჯაროთ. ნეპი კიდევ უფრო დამოკრებული იყო სოციალიზმიდან. ჩვენ დაგუშვით დიდი შეცდომა, განაცხადა ლენინმა 1921 წ. ოქტომბერში, რომ პირდაპირ დაიწყო კომუნისტური წარმოება და განაწილება. ამ ნიადაგზე ჩვენ სასტიკი დამარცხება განვიცადეთ.

ამიტომ უმჯობესია, სანამ მოწინააღმდეგეს არ გაუნადგურებთ სავსებით, დავიხიოთ უკან და გარდავქმნათ ყველაფერი ხელახლა». ეს უკანდახვევა იყო ნეპი, ხოლო კომუნიზმის მთავარი მოწინააღმდეგე გლეხობა, რომელიც მცხოვრებთა 80 პრ. შეადგენს. ლენინის აზრით, პარტიამ უნდა დაუთმოს გლეხობას, წინამდევ შემთხვევაში ის ნდობას დაკარგავს მის თვალში და ყველაფერი დაიღუპება. «ან საბჭოთა ხელისუფლების მიერ ყველა პოლიტიკურ მონაპოვართა დაღუპვა, ანდა მისთვის შესაფერისი ეკონომიური საძირკველის გამონახვა», სწორდა ლენინი 1921 წ. ოქტომბრის რევოლუციის წლის თავზე.

აქედან ცხადია, რომ სამხედრო კომუნიზმი სოციალიზმის კარიკატურა იყო, ხოლო ნეპი—ამ კარიკატურისაგან განთავისუფლება და საბჭოთა კავშირში არსებულ ძალთა განწყობილების შესაფერისი ეკონომიური საძირკველი. ჩემის აზრით, თავიდანვე დიდი შეცდომა იყო, რომ ოქტომბრის რევოლუციის სოციალისტური მარკა მიაკრეს. ბოლშევიკები ეს საგარეო სმარებისთვის ესაპირებოდნენ, ევროპის პროლეტარიატის მოტყუება სურდათ. რამდენიმეთ მათ მიზანს მიადწევს და ამ ტაქტიკას ისინი დღესაც განაგრძობენ და არა მთლათ უშედეგოთ. ეს იყო არა სოციალისტური რევოლუცია, არამედ წვრილი ბურჟუაზული და გლეხური. თვით ის ფაქტი, რომ მუშები კაპიტალისტების ქონებას იყოფენ, ნაძარცვს ძარცვავდნენ, გვეუბნება, რომ მუშათა კლასში ამ დროს ძლიერ სუსტი იყო სამრეწველო პროლეტარიატისა და მოწინავე მუშების გავლენა. დ ვინ არ იცის, რომ მაშინ მუშათა კლასის უმრავლესობა ახლად მოსული გლეხობისა და წვრილი ბურჟუაზისაგან შესდგებოდა. სამხედრო კომუნიზმის ძარცვა-გლეჯის გათავების შემდეგ ორივე ამ კლასმა მოითხოვა «შესაფერისი ეკონომიური პოლიტიკა». ეს იყო ნეპი. გლეხობა მიწას დაეპატრონა, ხოლო მუშების ერთი ნაწილი ადმინისტრაციაში წავიდა, პროფესიონალური მოხელე გახდა, მეორე ნაწილმა ვაჭრობა დაიწყო, წითელი ვაჭარი შეიქნა; ქარხანაში დარჩა ძლიერ მჭირედი ნაწილი.

მსხვილ წარმოებისა და მრეწველობისთვის, რევოლუცია დროებითი უკან დახვევა იყო. წვრილმა ბურჟუაზიამ შური იძია მსხვილ წარმოებაზე და განადგურა იგი, მაგრამ მერმე წითელი ყელსაბამით თვითონ შეუდგა მის შექმნას. სამაგიეროთ სოფელში მოხდა დიდი რევოლუცია და სოფლის მეურნეობას მალე დაეტყო წინსვლა. ეს იყო «შესაფერისი ეკონომიური საფუძველის» ბუნებრივი განვითარება და წვრილ ბურჟუაზიულ-გლეხური რევოლუციის გამარჯვება!

სტალინსა და მის პარტიას არ უნდა ამ ბუნებრივ ფაქტს შეურიდდეს და ამ ნიადაგზე ებრძვის მუშებს და გლეხობას. დიდი შეცდომა იქნება, თუ ვიტყვით, რომ ხუთწლედ სამხედრო კომუნიზმისა და ნეპის ბუნებრივი გაგრძელებაა. ეს მათი გაგრძელება კი არ არის, არამედ—მათ წინამდევ ბრძოლა. პირველ ყოვლისა ხუთწლედმა გლეხობას მიწა წაართვა და ის უფრო ბოგანო გახადა, ვინემ რევოლუციამდის იყო. სამხედრო კომუნიზმის დროს ლენინ-

ნის მიერ გამოცემული მიწის დეკრეტი, სტალინმა გააუქმა. გლეხს ხელახლავ უხდებდა მიწისთვის ბრძოლა და დიდ მსხვერპლსაც იღებდა იგი.

ქარხანაში მუშა არავითარ პრივილეგიებს არ სარგებლობს, 8 საათის სამუშაო დღე ფაქტურათ დიდი ხანია მოსპეს და შრომა ყმურ მდგომარეობაში ჩააყენეს. მას დამცველი არავინ ყავს, ბრიგადირები ეანდრების როლს ასრულებენ, ხოლო პროფკავშირები—ჩეკის კანცელარიის. სტალინის დიქტატურამ ტომსკის პროფკავშირებიც ვერ იკუთვნა.

ამ რიგათ, სტალინმა რევოლუციის მთავარ მამოძრავებელ ძალებს წაართვა ყოველივე ის, რაც მათ ლენინისა და ტროცკის დიქტატურის ხანაში მოიპოვეს. ამის შემდეგ ჩვენთვის ნათელი უნდა იყოს, თუ რას წარმოადგენს სტალინის დიქტატურა და მისი ხუთწლელი.

ხუთწლელი სახელმწიფო კაპიტალიზმია, რომლის ეკონომიური პოლიტიკა დიდათ არ განსხვავდება პეტრე დიდის ეკონომიურ პოლიტიკისაგან. სტალინი მას აზიური მეთოდით ატარებს ცხოვრებაში და მით იგი ძლიერ წააგავს მოსკოვის მეფეებს. მაგრამ საერთოთ მიღებულია ევროპის რევოლუციების შემდარება და ამ შემთხვევაში მეც დავემორჩილები ამ ტრადიციას. სრული ანალოგია რასაკვირვლია არ შეიძლება.

რუსეთის რევოლუციას თუ საფრანგეთის რევოლუციას შევადარებთ, მივალთ იმ დასკვნამდის, რომ სტალინიზმი რუსეთის რევოლუციაში ბონაპარტიზმია. ნაპოლეონმა პირადი დიქტატურა შემოიღო და საფრანგეთს მართავდა ჯარისა და პოლიციის საშუალებით. მან დათურგნა რევოლუცია, მაგრამ კონტრრევოლუცია ამ სიტყვის პირდაპირი მნიშვნელობით, ის არასოდეს არ ყოფილა. მას არ აღუდგენია არც ძველი წყობილება და არც ძველი კლასების ბატონობა. ამასავე სჩადის სტალინი. დღეს ის ერთი ერთი «ბელადია» და საბჭოთა კავშირს მართავს ჩეკისა და წითელი არმიის საშუალებით.

ეს ფაქტი გაუშვეს მხედველობიდან დანმა და აბრამოვიჩმა. ვინაიდან ფიქრობენ, რომ ბონაპარტი აუცილებლათ თეთრ ცხენზე შემჯდარი გენერალი უნდა იყოს. ბონაპარტიზმს გენერლობა კი არ ახასიათებს, არამედ მართვა-გამგეობის სისტემა. რუსეთის მენშევიკები სტალინის ბონაპარტის გამოცხადებას ვერ ხედავენ კიდევ იმიტომ, რომ სტალინს რევოლუციონური წარსული და მარკა აქვს, რომ სტალინი მუშათა კლასთან არის დაკავშირებული. ამ მხრით არც ნაპოლეონს ქონდა ცუდათ საქმე, რევოლუციის წინაშე მასაც დიდი დამსახურება მიუძღოდა, შეიძლება მეტიც, ვინემ სტალინს. არც რევოლუციონერებს გაურბოდა, ის კონსულობისა და იმპერატორობის დროსაც ცდილობდა მის გარშემო დიდი რევოლუციის მოღვაწენი ყოფილიყვნენ. რაც შეეხება მუშათა კლასის დამოკიდებულებას, ამის შესახებ პროფ. ოლარი ამბობს: «პარიზის მუშათა კლასი კონსულ ნაპოლეონში ხედავდა რევოლუციის ბელადს, მხსნელ დიქტატორს, რომელიც ახალ საფრანგეთს ბურბონთა გვარისაგან იცავდა» (საფ. რევ.» გვ. 930). ასე რომ, ამ მხრით სტალინზე უკეთ ქონდა ნაპო-

ლეონს საქმე. და არაფერი გასაკვირი არ არის იმაში, რომ რუსების მუშების მცირედი ნაწილი, უმთავრესათ კი ადმინისტრაციაში ჩაბმულნი, სტალინს დღესაც უჭერენ მხარს. ამან სრულებითაც არ უნდა დაჩრდილოდეს ის ფაქტი, რომ სტალინი მუშათა კლასსა და გლეხობასთან ბრძოლაში იმყოფება, რომ ხუთწლელი სახელმწიფო კაპიტალიზმია, რომელიც მშრომელ კლასების ინტერესებს ეწინააღმდეგება. რასაკვირვლია სტალინი ნაპოლეონსავით. იმპერატორის გვირგვინს არ დაიდგამს თავზე, ეს არც საჭირო არის. ესოა დიქტატურა უფრო მოდამი, ვინემ მეფე და ნაპოლეონი რომ მუდმივ კონსულათ დაჩრდილიყო, განა ამით ბონაპარტიზმის შინაარსი შეიცვლებოდა?! არა.

აი ასე სდგას ჩვენს წინაშე საკითხი დღეს და არა ისე, როგორც ეს შეცდომით ოტო ბაუერმა დააყენა. ბაუერი სტალინის დიქტატურასა და ხუთწლედს მიუდგა არა როგორც სოციოლოგ-პოლიტიკოსი, არამედ როგორც აგრონომი საცდელ მიწდორს. ამიტომ მან მხედველობიდან გაუშვა სტალინიზმის როლი რევოლუციაში და შერჩა მარტო შენობები. საბჭოთა კავშირის სოციალისტებმა რომ ბაუერის რჩევა მიიღონ, მაშინ მათ სტალინთან ერთათ მოუხდებათ მუშებისა და გლეხების წინააღმდეგ ბრძოლა. ეს დღეს მემარჯვენე და მემარცხენე კომუნისტ უკლონისტებსაც არ მიახნიათ შესაძლებლათ.

კაპი.

ჩენია, 8 აპრილი, 1932 წ.

### მუსულმანური აღორძინება

მე-18 საუკ-ში მუსულმანური ქვეყანა დაეცა უკანასკნელ ხარისხამდე. სარკინოზულმა კულტურამ ადგილი დაუთმო უმცირესობის ბარბაროსულ ფეფუნებას და არა ნაკლებ ბარბაროსულ დაქვეითებას უმრავლესობისას. მეცნიერება გადაგვარდა; მართვა-გამგერბა დესპოტიად გადაიქცა. ზემოდ სულთნები. მათ ქვემოდ ფაშები და ამათ დაბლა ადგილობრივი მეთაურნი,—ყველა ტირანულად ბატონობდა.

ამ იერარქიის ქვეშ მოქცეული ორბავა ხალხი, გაძარცული და ყოველნაირად შევიწროებული. თავგამოდებისა და შრომის ხალხის დაჰკარგოდა გლეხსაც და ქალაქის მცხოვრებსაც. სარწმუნოებაც დაეცა და გაიხრწნა.

ამ ბნელ დროს არაბეთის ვრცელ უდაბნოში გაისმა ხმა, რომელიც მოუწოდებდა ერთგულთ ქვეშაირიტ გზისაკენ. ეს იყო აბდ-ელ-ვაჰაბის ხმა, რომელსაც მალე ცეცხლი უნდა მოედო სამუსულმანო ქვეყნისათვის და დაებრუნებინა ისლამისათვის წინანდელი სიცხველე.

ზემოდ ნაჩვენები იყო, რომ დემოკრატიულ სახალიფოს აღმოსავლეთურ დესპოტიზმად შეცვლის გამო თავისუფალი მოაზრე არაბები თავიანთ უდაბნოში გაიხიზნენ. ხალიფი და სულთანი იქ ვერ მიეკარებოდნენ. არაბები არ სცნობდნენ არავის ბატონობას და უდაბნოში დაცული ჰქონდათ პირვანდელი სარწმუნოებრივი და პოლიტიკური წესწყობილება.



მოკამედ-იბნ-აბდ-ელ-ვააბი დაიბადა დაახლოვებით 1700 წ. არაბეთს, ნეჯდების პროვინციაში. მან მოიარა მექა, მიიღო სწავლა მედინაში, იმოგზაურა სპარსეთში და ბოლოს დაბრუნდა ნეჯდებს. მოგზაურობაში ნანახით განრისხებულმა გადასწყვიტა ისლამის სიწმინდის აღდგენის ქადაგება. მისმა ქადაგებამ არაბეთში მიიმხრო ნეჯდების ერთ-ერთ თემის უძლიერესი მეთაური საუდი. ამან დიდი ძალა და გავლენა შემატა აბდ-ელ-ვააბებს. ნელ-ნელა უდაბნოს არაბებმა შექმნეს პოლიტიკურ სარწმუნოებრივი ერთეული. აბდ-ელ-ვააბების სიკვდილის შემდეგ მისი ადგილი დაიკირა მისმა მოწაფემ საუდმა.

ნეჯდების მომავლების შემდგომ საუდმა უფრო დიდი მიზანი დაისახა მისაღწევად.—მუსულმანურ ქვეყნის გაწმენდა და უპირველეს წმინდა ადგილებისა.

ვააბების მიმდევართ ფანატიკური სიძულვილი ჰქონდათ თურქების, რომელიც ეწინააღმდეგებოდათ, როგორც განდგომილნი და ისლამში იმ პირველობის დამჩემებელნი, რომელიც ყველა არაბების წარმოდგენით მათ ხელში უნდა დარჩენილიყო. საუდი ემზადებოდა უკვე სირიას შესეოდა. იყო წამი, როდესაც ვააბების მიმდევართ უნდა გაენიავებინათ აღმოსავლეთი და ერთის დაკვირთი გაეწმინდათ მეფის ისლამი.

მაგრამ ეს არ მოხდა. ოსმალეთის სულთანმა მოუწოდა მეკმედ-ალის, რომელიც ის-ის იყო ეგვიპტეს დაეპატრონა, და ამან სულ ცოტა ხანში წაართვა ვააბისტებს წმინდა ადგილები და უდაბნოში უკუაქცია. ასე დასრულდა ვააბიზმის პოლიტიკური როლი.

ხლო სარწმუნოებრივი ეხლა იწყებოდა. ნეჯდები დარჩა ის კერა, რომელიც ჰყენდა შუქს ყოვლის მიმართულებით. ამ მოძრაობამ დიდ გასაქირში ჩააგდო ერთხანს ინგლისელები ინდოეთში და ფანატიკურად განაწყობა სამუდამოდ ავღანისტანი.

ამ დროს იყო, რომ ალჟირიდან მოვიდა მექაში განთქმული სადი-მოკამედ-ბენ-სენუსი, გაიმსჯალა აქ ვააბიტურ პრინციპებით და დაარსა დიდი პანისლამური საზოგადოება, რომელიც მის სახელს ატარებს.

ამრიგად ერთის თაობის სიცოცხლის განმავლობაში ვააბიტური მოძრაობა იმდენად გადიდა, რომ მუსულმანურ აღორძინებად იქცა. ამ აღორძინებამ ვააბი მრავალი ეტაპი, რომელთაგან უმთავრესია პანისლამიზმის სახელით წოდებული მოძრაობა. ეს მოძრაობა განხილულ იქნები შემდეგში, განსაკუთრებით მისი პოლიტიკური მხარე. ეხლა რამდენიმე სიტყვა მუსულმანურ აღორძინების შესახებ სხვა, განსაკუთრებით, სარწმუნოებრივ და ინტელექტუალურ თვალსაზრისით.

ვააბიტურ მოძრაობის მიზანს შეადგენდა ყურანის გაწმენდა ყველა იმ ზედნაშენობისაგან, რომელიც დაგროვებულიყო საუკუნეთა განმავლობაში,—განმარტებანი, წესები, ცრუმორწმუნოებანი. ყურანის ამ განმარტებას თან ახლდა ისეთი სასტიკი ზნეობრივი სჯულდება, რომელიც ვააბიტების აზროვნების დიდ სივიწროვეს მოწმობს, ამიტომ ბედნიერებად უნდა ჩაითვალოს ისლამისათვის, რომ ვააბიტები დაამრცხდნენ პოლიტიკურად.

ისლამის კრიტიკოსები გამოსტკვამენ ვააბიტურ მოძრაობის გამო იმ აზრს, რომ ისლამი ჩამორჩენილი და ბუნებით წინააღმდეგობაგანვითარებისა. ეს აზრი არ უნდა იყოს მართალი: ყოველი რელიგიური რეფორმა დასაწყისში დამყარებულია პირვანდელ ღვთისმსახურების აღდგენაზე.

ასეთი იყო პროტესტანტულ რეფორმაციის დასაწყისიც.

ისეთი ჰუმანისტები, როგორც ერაზმ როტერდამელია, ვერაფერ კარგს ვერ ხედავდნენ ამ მოძრაობაში და ამბობდნენ, რომ რეფორმაცია ნამდვილ კულტურას ემუქრება და იმის მეტს, რომ პაპის უტოლდევლობას ბიბლიის უტოლდევლობად სცვლის, არაფერ სხვას არ აკეთებს.

ნუ დაივიწყებთ, რომ დღეს ისლამი დგას იმ წერტილზე, რომელზედაც იდგა ქრისტიანობა მე-15 საუკუნე. იგივე დამორჩილება გონებისა დოღმატებისათვის, იგივე ბრმა მორჩილება არსებულ წესებისა და ავტორიტეტისა, იგივე იკვიანობა და მტრული განწყობილება აზროვნების თავისუფლებისა და მეცნიერებისადმი. («მარიატი») ანუ სამღვთო კანონი ვერ ურიგდებოდა თანამედროვე ცივილიზაციას და პროგრესს. მაგრამ იგივე არ იყო მე-15 საუკუნისა დასაწყისში ქრისტიანობა? მაგალითად, მარიატი აკრძალავს ფულის სარგებლით გასესხებას. მაგრამ ქრისტიანული საეკლესიო კანონიც ამასვე ვეებოდა და ისე სასტიკად იცავდა ამ წესს, რომ საუკუნეთა განმავლობაში ფულის ვაჭრობა ურიების მონაპოლიას შეადგენდა. ავიღოთ მუსულმანური მტრული განწყობილება აზროვნების თავისუფლებისა და სამეცნიერო კვლევა-ძიების წინააღმდეგ. განა ისლამის ისტორიაში მოიძებნება იმ საზიზღარ მაგალითის მსგავსი, რომელსაც იძლევა ქრისტიანობის ისტორია, ამ სამის საუკუნის წინ რომ ინკვიზიციამ წამების მუქარით უარი ათქმევინა დიდ გალილეს მის აღმოჩენაზე, რომ მიწა ტრიალებს მზის გარშემო?

მაკმალი თავყანსა სცემდა მეცნიერებას. აი მისი სიტყვები:

«ექებდეთ ცოდნას აკვანიდგან საფლავამდე»

«ბრძანება მეღანი უძვირფასესია წამებულთა სისხლისა».

«მეცნიერების ერთს სიტყვას მეტი ფასი აქვს ვიდრე ას ლოცვას».

«სიბრძნის ერთი სიტყვა, შეგნებული და გაზიარებული მუსულმან ქმისათვის სჯობია მთელის წლის განმავლობაში თქმულ ლოცვებს».

«წინასწარმეტყველის მეგვიდრენი არიან ბრძენნი».

«ღმერთს არა შეუქმნია რა გონების უკეთესი».

ეს ადგილები, და ასეთი მრავალი სხვა, დიდად გამოსადგეია ლიბერალ მიმართულებისათვის. ეს არ ნიშნავს, რომ ისლამის გადახალისების მოძრაობა გაიმარჯვებს, რადგან ლიბერალურია და პროგრესის ხელის შემწყობი. სამწუხაროდ ისტორია ხშირად წინააღმდეგს ამტკიცებს. მაგრამ ისტორია იმასაც ამტკიცებს, რომ, როდესაც დრო ხელს უწყობს პროგრესს, რელიგიებიც ლიბერალურ ცვლილებათა შემწეობით ეწყობიან მას, და ადამიანთა არც ერთ-

თი საზოგადოება უკან არ წასულა სარწმუნოების წყალობით. იგი შეიძლება შეჩერდეს, ხოლო პროგრესის გრძობა თუ ძლიერია, სარწმუნოებრივი ზღუდე ძლიერ იქნება,—მას ან გვერდით შემოეყვება ანა და წალეკილ იქნება.

შეცვლილი ისლამი ისლამი აღარ იქნება, ამბობს ლორდ კრომერი. რატომ არა? დღევანდელი ქრისტიანობა, უეჭველად, ძლიერ განირჩევა საშუალო საუკუნეთა ქრისტიანობისაგან, და არსებულ ეკლესიათა შორისაც დიდ განსხვავებას, მაგრამ ეს არ უშლის იმას, რომ არსებობდეს ერთი საქრისტიანო ქვეყნიერობა.

ისლამს ყოველთვის ჰყავდა ლიბერალურად განწყობილი მოაზროვნენი. უბნულეს ეპოქაშიაც ისმოდნა აქა-იქ თითო-ორი სხვა, რომელიც დადავებდა სიბნელის წინააღმდეგ. მე-16 საუკუნის განთქმული ელ გარანი სწერდა: «სრულებითაც არ არის უმუქლებელი რომ ღმერთი შენახული ჰქონდეს მომავალ კაცთათვის ისეთი შეგნება, რომელიც არ ჰქონიათ ადამიანთ წარსულში». მე-19 საუკუნის მუსულმანურ ქვეყანას ჰყავდა მოაზროვნე ჯგუფი, მართალია, მცირე, რომელიც ფანატიკოს მოლათა ბნელ უმრავლესობის სიძულვილს იწვევდა. ქვეყანა, რომელსაც ყველაზე უფრო დაეტყო ამ ახალ მქადაგებელთა გავლენა, იყო ინდოეთი. იქ მოძრაობის მეთაური იყო ცნობილი ჰიე-დ-სმეტ-ხანი. მიუხედავად იმისა, რომ მართლმორწმუნე და კონსერვატორი იყო, ის არ ერიდებოდა ისლამის დიკემის აღიარებას. დასავლეთის აზრების თაყვანისმცემელი ის სწერდა: «ჩვენ უნდა შევისწავლოთ ევროპის სამეცნიერო შრომანი, თუნდაც მუსულმანების მიერ არ იყოს დაწერილი და თუნდაც შიგნით რამეს ვპოულობდეთ, რაც ეწინააღმდეგება იმას, რასაც ყურანი გვასწავლის. უნდა ვბაძავდეთ ძველ არაბებს, რომელთაც არ ეშინოდათ, რომ პითაგორის შესწავლა შეარყევდა მათ რწმენას».

მუსულმანურ ლიბერალთა ჯგუფი ჩქარა გაიზარდა და დაასთან გამრავლდა რიცხვი გამომჩენილ მწერალთა, რომელნიც მიზნად ისახავდნენ შარიატის სრულს გადახალისებას და ისლამის გათანამედროვეებას. აი, როგორ ახასიათებს ამ მიზანს კჰუდაბუქში, გამომჩენილი მწერალი: «არაფერი არ ყოფილა ისე შორს წინასწარმეტყველის აზრისგან, როგორ გონებისათვის ბორკილების დადება ან კიდე ურყევ და უცვლელ კანონების დაწესება თავის მომხრეთათვის. ყურანი არის წიგნი, რომელიც სახელმძღვანელოდ და არა დაბრკოლებად უნდა გამოადგეს ერთ-ერთ სოციალურ, ზნეობრივ, გონებრივ და კანონიერ განვითარების გზაზე. ესლანდელი ისლამი თავის იერარქიით, თავის ფანატიზმით, თავის უსახლოვრო უვიცობით და ცრუმორწმუნეობრივ წესებით მაჰმადის ისლამისათვის სირცხვილია... ჩამოაშორეთ ისლამს ღვთისმეტყველება და დარჩება მარტივი სჯულდება, რომლის მთავარი აზრია რწმენა იმისა, რომ ღმერთი ერთია და რომ მაჰმადი მისი წინასწარმეტყველია, დანარჩენი ზედმეტი ბარგია».

ოსმალეთში, ლიბერალური მოძრაობა სათავეში ედგა მართვა-გამგეობას ყირიმის ომის დროიდან,

ვიდრე აბდულ-ჰამიდის დესპოტიზმი დამყარდებოდა. მინისტრები რამიდ-ფაშა და მიდნატ-ფაშა გულწრფელად მაგრამ ამაოდ ცდილობდნენ, რომ ოსმალეთი თანამედროვე სახელმწიფოდ ექციათ. ხოლო აბდულ-ჰამიდმა ვერ ჩაქალა ლიბერალური მოძრაობა, რომელმაც 1908 წ. მოახდინა რევოლუცია, ტახტიდან ჩამოაგდო და ძალაუფლება «ახალგაზრდა თურქებს» ჩაუდო ხელში. ისლამის ნამსხვრევებიც, როგორც რუსეთის თათრებია, გამოფხიზლდნენ.

ლიბერალები, რომელზედაც ზემოდ იყო ლაპარაკი, არიან პროგრესისტები, რომელნიც სცდილობენ ისლამის გარდაქმნას, მზად არიან ყოველივე საღი ცვლილება შემოიღონ, მაგრამ ისლამზე ურს არ ამბობენ.


მუსულმანთა შორის სხვა ჯგუფებიცაა, რომელთაც ისეთი გავლენა განიცადეს დასავლეთისა, რომ ლამის გასწყვიტონ კავშირი თავის სარწმუნოებრივ და გონებრივ წარსულთან. ასეთი ხასიათი ემჩნევა უმთავრესად იმ ქვეყნებს, სადაც დიდის ხნიდგინ დამყარებულა ევროპული ბატონობა,—ინდოეთი, ეგვიპტე და ალჟირი. ძველი მუსულმანური ბრაზი გამქრალა ამათში.

ამ გაგრილებულ მუსულმანთ გვერდით არის კიდე სხვა ჯგუფები, კიდე უფრო განსხვავებული. ამათ შეადგენს ის ახალგაზრდობა, რომელთა ტვინი დამუშავებულია ევროპულ ბოლო დროინდელ აზრებით,—ათეიზმით, სოციალიზმით და ბოლშევიზმით და ყველაფერი იმით, რაც ამას მოსდევს. ახირებულია ოღონდ, რომ ეს რევოლიუციონერები იზიარებენ ისლამის ფანატიკოს-რეაქციონერების სიძულვილს დასავლეთისადმი. თავიანთ თავს ესენი სთვლან ბნელ მასების ბუნებრივ ხელმძღვანელებად, პოლიტიკურ ხელისუფლების ხელში ჩაგდება სწყურიათ და, რაკი მათ პატივმოყვარეობას დასავლეთის ბატონობა ელოდება წინ, მის წყევლაში არიან. ამიტომ ესენი არიან უკიდურესი ნაციონალიზმები და იმავე დროს პანისლამურ რეაქციონერ შეთქმულობათა მონაწილენიც. ბუქში საუცხოვოდ ახასიათებს ამ გვარ ახალთაობას: «მე ვიცნობ ერთ ბატონს, მაჰმადიანს. გარეგნულად ისლამის ყველა ბრძანებას ასრულებს და საზოგადოებაში თავის თანამორწმუნეთა დიმიცველად გამოდის და მათ მაგიერ ლაპარაკობს, მაგრამ რა რიგ შევძრუწნდი. როდესაც აღმოვაჩინე, რომ თავის რჯულისა და მის დამყარებელის შესახებ ისეთ აზრებს იზიარებს, რომელიც თვით ვოლტერს შეეზიზღებოდა».

ქვემოდ ჩვენ უფრო ღრმად გავცნობით ამ ვაჟბატონების საქმიანობას, როდესაც პანისლამიზმზე და ნაციონალიზმზე გვექნება ლაპარაკი. ესლაკი შეგნიშნავთ, რომ მათი მოღვაწეობა ვნებს ისლამის ნამდვილ გადახალისებას და რომ მათი სურვილია, ისარგებლონ ბნელ მასების ქვენა გრძობები და გააძლიერონ. მასში სიძულვილი ყველა იმის მიმართ, რაც დასავლეთიდგან მოდის.

ამრიგად ისლამი მოქცეულია დღეს ორ მომქმედ ძალთა, ნამდვილ ლიბერალთა და შოვინისტ-რეაქციონერთა, შუა.





„კავკასიის გირი ხალხის ტრაგედია“ )

დღეს საქართველოს დამოუკიდებ. წლისთავია.

ამოწილია დღეს ეს ეროვნული დღესასწაული დიპლომატიურ კალენდრიდან — მისი წლის თავი შენახული და დასადგურებულია დაპყრობილ ერის და მის მეგობართა გულში და მახსოვრობაში. დღეს თოთხმეტი წელი გადის საქართველოს დამოუკიდებლობის გამოცხადების დღიდან:

26 მაისი 1918 წელი.

ასეთი ახალგაზდაა დღესასწაული და ისტორიამ კი მას ხაზი გადაუსვა. ეს ჩვენს თვალწინ დატრიალდა. გათამაშდა ფრაგმენტი თანამედროვე ტრაგედიისა — ერის, რომელმაც 117 წლის შევიწროების და დევნის შემდეგ დაიბრუნა სახელმწიფოებრივი არსებობა — თავისუფლება. რომ კვლავ იგი სამი წლის შემდეგ დაკარგოდა. როგორ შეიძლება ეს მომხდარიყო?

საერთაშორისო ომის მიერ გამოწვეულ რევოლუციით განთავისუფლებული ქართველი ერი თითქოს საუკეთესო მომავლის შემყურე იყო. თვალწარმტაცი, სავსე ბუნებრივი სიმდიდრით კავკასიის მიწაზე, ცოცხალი-მომქმედი ერი გრძნობდა იმედიანათ თავს. 1920 წელში საქართველომ ხელშეკრულება დასდო თავის უდიდეს მეზობელ რუსეთთან. 1921 წელში ანტანტის სახელმწიფოებმა სათანადო პატივისცემით იცნენს დე იურე საქართველოს მთავრობა. საქართველოს საელჩო მოსკოვის კარზე მოქმედობდა, საბჭოების ტფილისში.

დამოკიდებულება თითქოს გულითადი იყო საქართველოს და საბჭოთა კავშირს შორის. მომენტი დასავლეთ ევროპის გამარჯვებულ სახელმწიფოთა მიერ საქართველოს ცნობისა საბჭოთა წარმომადგენლისათვის გახდა თითქოს სიხარულის და უგულითადეს სიტყვებში ჩამოსხმულ მილოცვის შემთხვევათ, — მეგობრობის აღთქმათ; იგონებდენ კიდევ წარსულს — მეფის ტირანის ქვეშ მყოფ ორთავე ხალხის პროლეტარიატის განთავისუფლებისათვის საერთო ბრძოლის წარმოებას. ეს სიტყვები საქართველოში 1921 წლის იანვარში გაისმოდა — 11 თებერვალს კი ღამით ქურდულათ და მუხანათურათ თავს დაესხა საბჭოთა ჯარი საქართველოს სანაპირო ნაწილებს. საზღვართან ქართველების ამოყუეტის შემდეგ, თავდამსხმელნი გაეშურენ ტფილისისაკენ — საქართველოს სატანტო ქალაქისაკენ, საზღვრიდან ორი დღის სავალზე.

მოულოდნელი შემოჭრა საქართველოში მიღებულ იქნა რაღაც ბანდიტურ თავდასხმათ, გაუგებრობაზე აგებულ ავანტურათ... წარმოუდგენელ რამეთ მიაჩნდა რაინდულ ერს ყოვლად უმიზნებოდ, ომის გამოუცხადებლად, სახელმწიფოს, ტრაქტატებით შეკრულს საქართველოსთან, გაიძვერულათ გადაეღახა ყოველგვარი თავისი ვალდებულება და

დაპირებანი. რუსეთის წარმომადგენლობა ტფილისში გაიმიჯნა და უარყო კავშირი თავდამსხმელებთან, პასუხისმგებლობა საბჭოთა სომხეთს გადააკისრა. უკანასკნელმაც (სომხეთმა) თავის მხრით უარყო მის გარშემოც გავრცელებული ხმები. მიუხედავათ ყოველივესა მეორე დღეს საბჭოთა ახალმა ნაწილებმა სხვადასხვა მხრით გადალახეს საქართველოს საზღვრები და დაიძრენ სატანტო ქალაქისაკენ.

ტფილისში მოწყეო თავდაცვა, მოწვეულ იქნენ მოხალისენი, შექმნილ იქნა ახალი რევოლუციური ნაწილები თავდაცვისათვის. დაიწყო სამკვდრო სასიცოცხლო გმირული ბრძოლები... ამავე დროს საქართველოს მთავრობა ამათ ცდილობდა მოეძებნა საშვალეზანი ჯიუტური სიჩუმით შეპყრობილ საბჭოთა ხელისუფლებასთან, რომელიც კვლავ თავიდან იხსნიდა ყოველგვარ პასუხისმგებლობას.

არ გასულა ორი კვირა, რაც საბჭოთა თავდამსხმელებს შეემატა ახალი მოკავშირე, თურქეთი, რომელმაც დაიწყო შეტევა ბათუმზე. ამ ტრალიკულ მდგომარეობაში — საქართველოს სარდლობა ტფილისის დატოვების და ბათუმისაკენ უკან დახევის ბრძანებას სცემს. მთელი ქართველი ერი საომრათ ფეხზე დადგა მოლაღატე მეზობლის წინააღმდეგ; გაჩაღდა სასოწარკვეთილი ბრძოლები — მტერთა სიჭარბე ხომ გაცილებით დიდი იყო...

18 მარტს 1921 წელს მოხდა დამფუძნებელი კრების უკანასკნელი სხდომა, რომელმაც გაისტუმრა მთავრობა საზღვარგარეთ, დასავლეთში, რომ ევროპის ფორუმზე ეძებნა დახმარება და სამართალი.

დაპყრობილ საქართველოს ტერიტორია გაყოფილ იქნა საბჭოებს და ოსმალეთს შორის, რომელმაც საბჭოებთან ადრინდელ დადებულ ხელშეკრულების ძალით მიიღო საქართველოზე თავდასხმაში მონაწილეობისათვის რამდენიმე პროვინცია დაპყრობილ მხარის.

საქირო დარჩა ამ სიმხეცის მიჩქმალვა და საბჭოებმაც ინფორმაცია მიწოდეს ევროპას, რომ საქართველოში «რევოლუციამ იფეთქა» ადგილობრივ კომუნისტურ კომიტეტის ხელმძღვანელობით, რომ ქართველთა «მუშებმა და გლეხებმა» დაიკავეს ტფილისი, გააძევეს დემოკრატიული მთავრობა და დაამყარეს საბჭოთა ხელისუფლება... დაბოლოს კომუნისტების და თვით გამარჯვებულთა მხილებაში შეურყეველათ მოწმობენ, რომ ეს იყო სრულიათ ჩვულებრივი ომი, მხაკვრულათ შემოსეულ საბჭოთა რუსეთის ჯარის მიერ წარმოებულთ.

ასე მოხდა საქართველოს დაპყრობა, ერის თავისუფლების ფეხქვეშ გათელვა და მისი დროშევიკების სალტეში მომწყვდევა, იმ ბოლშევიკების, რომლებსაც საბჭოებისადმი მტრულათ განწყობილ ქართველ ხალხში არ აღმოაჩნდათ არავითარი დასაყრდნობი პუნქტი. დაიწყო ახალი რიგი დევნისა; გაგრძელება ომით და ოკუპაციით გამოწვეულ ხოცვა ქლეტისა. თვით სანოვნიკ ბოლშევიკებმა აღიარეს, რომ საბჭოებს არ აღმოაჩნდათ იმდენი მომხრე საქართველოში, რომ შესაძლებელი გამხდარიყო ბოლშევიკურ ხელისუფლების შექმნა.

) ეს წერილი დაიბეჭდა ვარშავის გაზეთ «Expresse Poranny» 26 საისის №-ში. მისი ავტორია ერთი რედაქტორთაგანი — იავიგა კრაკინსკა.

არამც თუ პოლიტიკური მოსაზრებანი, ან ტერიტორიალური გაუმადრობა ამოძრავებდა სამშობლო რუსეთის აგრესიული ხელს ვერაგულ თავდასხმით მონობიდან ახლად აღორძინებულ საქართველოს წინააღმდეგ, — საბედისწერო მიმზიდველი აღმოჩნდა აგრეთვე ამ ქვეყნის სიმდიდრე, მისი ნაყოფიერობა და პირველ ყოვლისა — ნავთი.

საქართველოს ტრადიციულ გრძელვად. მიტოვებული თავის ამარა ქართველი ერი არ კარგანს იმედს თავისუფალ ხალხთა ოჯახს დაუბრუნდეს და მიტოვებულ ბრწყინავს დღევანდელი დღე საქართველოს მოქალაქეთა გულში და მესხიერებაში წლისთავი მათი დამოუკიდებლობის.

იმავე გრძნობებით ინასკვება ევროპის ხალხთა გულითადი სიმპატიები და სურვილები საქართველოს თავისუფლების აღდგენისა, რადგანაც გაგება და შეგრძობა საქართველოს და ქართველთა სისტემატიკი ბედისა არის ზოგთათვის გაფრთხილება, სხვათათვის მოგონება საკუთარი ჯერ კიდევ ახლო წარსულში უბედობა-მონობაში ყოფნისა...

### წერილი სპარსეთიდან

საბჭოების გავლენა აღმოსავლეთით მდებარე ქვეყნებში, როგორც არის ოსმალეთი და სპარსეთი, დღითი დღე იზრდება. ოსმალეთის მხრივ ეს მოვლენა აშკარა ფორმებში იხატება, რაც შეეხება სპარსეთს, უნდა აღინიშნოს, რომ ამ ერის სიმპატიკა ჯერჯერობით ლტოლვილების მხარესკენაა, მაგრამ ეს კიდევ არ ნიშნავს, რომ ასეთი მდგომარეობა მყარ რასმე წარმოადგენდეს და ვინ იცის, შეიძლება მომავალში ისეთი მდგომარეობა შეიქნეს, როგორც ამას ამჟამად აღვიბი აქვს ოსმალეთში. სპარსეთის რეფორმატორის — რიზა შაჰის მიერ გატარებული რეფორმები ითხოვს მაღალ კვალიფიკაციით აღჭურვილ პირებს სხვადასხვა დარგებში, რომლის ნაკლებობას დღეს დღეობით განიცდის სპარსეთი. წინდახედულ რიზა შაჰს გათვალისწინებული აქვს შექმნილი ვითარება და ამის გამო მისივე ინიციატივით იგზავნება ყოველწლიურად ორასამდე ახალგაზდობა ევროპის სხვადასხვა კულტურულ ქვეყნებში ცოდნის მისაღებად. მაგრამ სანამდე ცოდნით აღჭურვილი დაუბრუნდებოდეს თავის სამშობლოს, იმავე რიზა შაჰის მეფობით არის გათვალისწინებული ლტოლვილების გამოყენება თავის სპეციალობისდა მიხედვით. აი ამით აიხსნება ის გარემოება, რომ სპარსეთი ასეთ კაცთ-მოყვარეობას უწევს ლტოლვილებს. სამწუხაროთ, სპარსეთის ასეთ მასპინძლობას ზოგიერთნი ბოროტად იყენებენ, ქმნიან რამდენიმე ათეული კაცისაგან შეიარაღებულ რაზმებს და გადიგამოდიან სპარსეთის ანერბიჯანიდან რუსულ ანერბიჯანში. ამას მოყვა ის, რომ რუსის სანაპირო ჯარის უფროსმა ბრძანება გასცა: «დადევნებოდენ შეიარაღებულ რაზმს, რომელიც მოველინა საბჭოთა ანერბიჯანს სპარსეთიდან და თუ ვინცობაა შეიარაღებული რაზმი გადავიდოდა სპარსეთის ტერი-

ტორიაზე, საბჭოთა ჯარს არავითარ შემთხვევაში არ უნდა შეეწყვიტა დევნა. მიუხედავად საერთაშორისო უფლების დარღვევისა, რომელიც იქნებოდა გამოწვეული საბჭოთა ჯარის ნეიტრალური ზონის გადალახვით». ეს ბრძანება მართლაც შესრულდა და მაგ. გასულ წელს საზღვართან მდებარე სოფ. კარაბაღის მშვიდი სპარსელი სოფლელები ერთიან ააწიოკეს ბოლოშევიკებსა. ბუნებრივად წამოიჭრა საკითხი შექმნილ მდგომარეობის მშვიდობიანი გზით მოგვარებისა. საბჭოთა რუსეთი ითხოვდა: საზღვრიდან 300 კილომეტრით დაშორებულ მანძილზე, სპარსეთს არ უნდა მიეცა გაჩერების უფლება გადმოსულ ლტოლვილებისათვის. თუ სპარსეთს სურდა თავიდან აეცილებია მოსალოდნელი კონფლიქტი, მკითხველისათვის გასაგებია, თუ რა სიძლიერეს წარმოადგენს დღეს დღეობით საბჭოთა რუსეთი სპარსეთისათვის, და იგი იძულებული იყო მიეღო საბჭოთა მოთხოვნილება: ლტოლვილები იქნებიან აღმინისტრაციული წესით გადასახლებული შორს საზღვრიდან, გადმოსვლისას და თუ კიდევ ადგილი ექნა შეიარაღებულ გადასვლას სპარსეთის მხრიდან, სპარსეთი ვალდებულია ახლად გადმოსულები უკანვე დააბრუნოს. გადმოსულები დაუყოვნებლივ იგზავნებიან ხელშეკრულობის თანახმად სპარსეთის სამხრეთ ნაწილებში, სადაც. ჰაერი კავკასიაში მოზინავრე ერებისათვის უზვევია.

წინად ანერბიჯანიდან გადმოსულს, როგორც ანერბიჯანელს, ისე სომეხს, ქართველს, რუსს და ებრაელს საშვალეობა ჰქონდა სპარსეთის ანერბიჯანში მოწყობის, სადაც ჰაერი თითქმის იგივეა, რაც კავკასიაში. ენა იგივე ოსმალურია, რისი მცოდნენი კავკასიელთა შორის ბევრია და ამის გამო შეეძლოთ შესაფერ თანამდებობაზე მოწყობა. ვიმეორებ ეს უკვე არქივის მასალად იქცა. და ეს გარემოება ენლა ყველამ მხედველობაში უნდა მიიღოს.

ვისაც ეკონომიური გეოგრაფიის მეცნიერების ცოდნა თუ ბევრად წარმოდგენა აქვს, ის დაგვეთანხმება, თუ რა დიდი მნიშვნელობა აქვს რუსეთს სპარსეთის ეკონომიურ აღორძინებაში. როდესაც კავკასიის კონფედერაცია ფაქტად იქცევა და შეიქნება ერთგვარი ბარიერი რუსეთსა და სპარსეთს შორის, მაშინ რუსეთის ადგილს დაიკავენ კავკასია. და სპარსეთის შორსმჭრეტელი პოლიტიკაც აქეთკენა მიმართული. მხოლოდ დღეს კი იძულებულია საბჭოთა რუსეთის ანგარიში გაუწიოს. უნდა გვახსოვდეს ესეც: საბჭოებმა უარი განაცხადეს 70 მილიონის მეფის დროის ვალის მიღებაზე და 120 მილიონის ღირებულების გაყვანილი რკინის გზები, ხიდები, გზატკეცილები და ურმიის ტბაში მყოფი გემები უსასყიდლოთ გადასცეს სპარსეთს.

შემდეგ საჭიროდ მიმაჩნია მოვიყვანო სიტყვა-სიტყვით ერთ სპარსელის ნათქვამი, რომლის ხედვრითი წონა საგრძნობ გავლენას წარმოადგენს სპარსეთის ეროვნულ პოლიტიკაში: «რუსები არ უყვართ სპარსელებს (აქ ლაპარაკია მეფის დროის რუსეთზე), ინგლისელები კი სძულდათ, რადგანაც ინგლისელები უყურებდნენ სპარსელებს საწველ ფურად და რაც მთავარია, მათი პოლიტიკა სპარსეთში



მორალურ დეპრესიის მატარებელი იყო. «რუსები კი მხოლოდ სცარცვავენ»<sup>1</sup>. ადვილად მისახვედრია, რომ დღეს სპარსეთი სარგებლობს რუსეთს, რომ წინამდებეობა გაუწიოს ინგლისის გავლენას...

კერძოდ ქართველების მდგომარეობა სპარსეთში, მეგობრულ ხასიათის მატარებელია. მართალია, საქართველოს არა ერთხელ ჰქონია ომი სპარსეთთან, მაგრამ სპარსელებისაგან ქართველმა ერმა ბევრი რამ კარგიც შეითვისა და ისწავლა. ჩვენი ერთ-ერთი რადიკალიზაცია ბიზანტიის კულტურას და სპარსეთისასაც, რომელსაც დიდი ადგილი ეკავა აღმოსავლეთში. ამ ძველ კულტურულ ურთიერთობაში უნდა ვეძიოთ სათავე იმ მეგობრულ განწყობილებებს, რომელსაც დღეს იჩენს სპარსეთი ქართველების მიმართ. ამის საუკეთესო მაგალითს არ წარმოადგენს განა ის, რომ სპარსეთის უდიდესი რეფორმატორი — რინა შაჰი თავის შვილს ევროპაში მივიღინების დროს, სხვა მისთვის საიმედო პირებთან ერთად ქართველ ჩაგუნავს აყილებს და მას აბარებს, რომელიც რვა წლის განმავლობაში ტახტის მემკვიდრესთან მსახურობს და მას სწავრთინდა ყველა სასპორტო დარგებში? განა იმედობის და ერთგულობის ნიშანი არ დაიმსახურა სრულიად ახალგაზდა პოლკოვნიკმა მიქელაქემ, რომელიც სპეციალურად იქნა გამოწვეული თავრიზიდან და თერანში გადაეცა მეფის პირადი ცხენოსანი ათასეული? შეიძლება სხვა მაგალითების დასახელებაც. გვმართებს შევიხარჩუნოთ არსებული მეგობრული განწყობილება.

ოსმალეთის გზა გადმოხვეწილებისათვის თითქმის დახშულად უნდა ჩაითვალოს, რადგანაც ვისაც საფრანგეთში ან სხვა რომელიმე სახელმწიფოში შესასვლელი ვიზა არ ექნება, ტირანებს უკან უბრუნებენ და მკითხველისათვის ადვილად წარმოსადგენია, თუ რა ტრალეიული ამბები დატრიალდება სახლვარზე გადაყვანისას. ამ შერილის ავტორს უარებელი ფაქტი მოეპოვება ამის დასადასტურებლად. როდესაც ოსმალეთი მზად არის უკან დააბრუნოს ბედი-საგან განწირული ლტოლვილი, აქაც მექომაგედ იგივე სპარსეთი გამოდის და საშვალეობას იძლევა შემოხიზნების, როგორც ეს ამ მოკლე ხნის წინეთ ჩაიღინა ჩვენ სამ თანამემამულეს მიმართ. ვიმეორებ, ოსმალეთი ჩვენთვის ამჟამად ნაკლებად საიმედოა, თუ არ მივიღებთ მხვევლობაში ზოგს გამონაკლისს. ერთგულმა მთავრობამ უნდა აწარმოოს დიპლომატიური მოლაპარაკება, სანამ კიდევ დრო არის, რომ ლტოლვილები არ იქნენ გადაცემული ტირანებს დასახერხებლად.

მაგრამ მთავარი: უნდა შევიგნოთ, რომ ერის განთავისუფლება შესაძლებელია იქ მომქმედ ძალების საშუალებით, ამ რიგად სიმძიმის ცენტრი სწორედ იქ უნდა იყოს. ვისაც შეუძლია თავისი იქ შენახვა, ჩვენი ინტენციის გარეშე. უნდა დარჩეს სამშობლოში. გადმოსვლა უდრის დენერტირობას. იქ საქართველოში შევიხარჩუნოთ ფიზიკური ძალა მოსალოდნელ საქირეობისათვის...

ოტარი.

მდგომარეობა გერმანიაში

ვაიმრის კოალიციის დამარცხებას პრუსიაში მოჰყვა შესამჩნევი გართულება პოლიტიკურ განწყობილებისა მთელ სახელმწიფოში. როგორც ვიცით, პრუსიის არჩევნებმა შექმნა შემდეგი მდგომარეობა: ნაციონალისტებმა ვერ მიიღეს უმრავლესობა საქირე მთავრობის შედგენისათვის, მაგრამ მეორე მხრით ისინი (ნაციონალ-სოციალისტები, გერმანელი ნაციონალური პარტია) კომუნისტებთან ერთად ქმნიან უმრავლესობას დემოკრატიულ კონსტიტუციის წინააღმდეგ. და, მიუხედავად იმისა, რომ პრუსიის მთავრობა (ბრაუნ-სევერინგი) გადადგა თავისი ინიციატივით, მიუხედავად იმისა, რომ ნაციონალისტებმა მას კომუნისტების დახმარებით ამის შემდეგ უნდობლობა გამოუცხადეს და დაემუქრენ — თქვენი აღსასრული მოახლოვებულია — ეს მთავრობა, როგორც «საქმეთა მწარმოებელი», მაინც განაგრძობს თავის მუშაობას. და ეს მდგომარეობა გარძელდება მანამდე, სანამ ეს ლანტავი იარსებებს. ნაციონალისტ-სოციალისტებს იმედი ჰქონდათ კათოლიკური ცენტრის, რომელთან ერთად მათ უმრავლესობა ჰყავთ ლანტავში. მაგრამ აქ მათ მტოციე უარი მიიღეს. «იცოდათ, მიმართა ნაციონალ-სოციალისტებს ცენტრის წარმომადგენელმა ლანტავში, «პრუსიის პირველი მინისტრის არჩევის ბედი ჩვენს ხელშია. სრულის სიმშვიდით ვუცქერით ჩვენ შექმნილ მდგომარეობას და ვუცდით მეტად დაინტერესებულნი, თუ რას მოუტანენ პრაქტიკულად ნაციონალ-სოციალისტები პრუსიის პარლამენტს. აშკარად უნდა განვაცხადოთ აქ: ეს რამდენიმე წელიწადი ჩვენ ვიმყოფებით პოლიტიკური კვლის ხანაში... ნაციონალ-სოციალისტების პოზიტიური მუშაობის იმედი დაკარგულია». ამიტომ არის, ნაციონალისტები რომ ახლა უკვე პრუსიის ლანტავის გაშვებას და ახალ არჩევნების დანიშნვას მოითხოვენ. ისინი დარწმუნებულნი არიან, რომ ახალ ლანტავში აბსოლუტურ უმრავლესობას მიიღებენ და, როგორც მათ ფრაქციის ლიდერმა ბ. კუბემ განაცხადა, «გერმანელი მუშა ადოლფ ჰიტლერი პრუსიის სახელმწიფოს ნამდვილი ბატონ პატრონი იქნება». — და ამავე იმედით მიიტანეს მათ იერიში გერმანიის ცენტრალურ მთავრობაზე და რაიხსტაგზე. ამისათვის გამოიყენეს ჯარის მეთაურები, რომელნიც მეტად უკმაყოფილო იყვნენ შინაგან და სამხედრო მინისტრ გრონერით. ნაციონალ-სოციალისტების პირველი მტერიც ხომ ის იყო, განსაკუთრებით მათი მილიტარული ორგანიზაციების დახურვის შემდეგ. გენერალ შლაიხერის და სხვათა მუშაობით და ცდით ჯერ გენ. გრონერი და შემდეგ მთელი ბრიუნინგის სამინისტრო იძულებული გახდნენ უარი ეთქვათ მუშაობის განგრძობაზე... პრუხიენტმა პინდენბურგმა თანხმობა განაცხადა და ბრიუნინგის მთავრობა გადადგა. რეაქციონურ გერმანიის ლიდერებმა ჰიტლერის მეთაურობით გაიმარჯვეს. მათ სიხარულს საზღვარი აღარ აქვს: — შევანგრეთ ვაიმარის კონსტიტუციის. ურიების და მარქსისტულ დემოკრატიის სიმაგრეო. ვის უნდა მთავრობის შედგენა?! ჰიტ-

ლერს?! ცენტრს?! — ჰკითხულობდა გერმანიის სახლ-გადღობრივი აზრი. ცენტრმა ბრიუნინგის ასეთნაირად გაძევების და კურსის ასე უტბად და აშკარად შეცვლის შემდეგ მთავრობაში რაიმე მონაწილეობის მიღებაზე ჰატეგოროიული უარი განაცხადა. ნაციონალ-სოციალისტები არ არიან ამ ეამად საიმპერიო მთავრობით დაინტერესებულნი. მათი სურვილი და მისწრაფება ახალი რაიხსტაგია. რომელიც მათ მათივე აზრით პრუსიის შემდეგ უმრავლესობას მისცემს და ხელისუფლებასაც. და ამიტომ ჰიტლერმა მთავრობის შედგენა ესლა თავის «შუა-კაცებს» — ჯარის მეთაურებს — დაუთმო. და ასე შეიქნა სამინისტრო, რომელსაც უკვე «გარდაამავალს» უწოდებენ და რომელსაც ნაციონალ-სოციალისტების შეწყობა, «ტოლერანცი» აქვს აღთქმული. მთავრობის სათავეში სდგას ფონ-პაპენი, ცენტრის ყოფილი წევრი, რომელმაც მას სასტიკი ბრძოლა გამოუცხადა, როგორც რეაქციონურ გენერლების კანდიტატს, ნაციონალ-სოციალისტებისათვის გზის გამკაფველს და პარტიის დისციპლინის დამრღვევს. სამხედრო მინისტრი და ნამდვილი სულის ჩამდგმელი ამ სამინისტროსი, მთელი ამ საქმის მომწყობი და გამტარებელი, არის გენერალი შლაიხერი. შინაგან საქმეთა მინისტრი ფონ-გაილი, ისე როგორც თვით თავმჯდომარე ფონ-პაპენი, სამხედრო წოდების კაცია. პრეზიდენტ ჰინდენბურგმა დააფიცა ახალი მინისტრები ვაიმარის კონსტიტუციანზე. მეორე დღეს ამ სამინისტრომ დახურა რაიხსტაგი, რომლის წინაშე წარდგომა ვერ-გაბედა, რადგან იქ უმრავლესობა არ ეგულებოდა და მიმართა გერმანელ ხალხს დეკლარაციით, რომელშიდაც აშკარა ჰყო მთელი თავისი რეაქციონური სულისკვეთება პოლიტაკურ. ეკონომიურ და სოციალურ სფეროებში.

«ომის შემდეგ მომქმედმა მთავრობებმა... გადააქციეს სახელმწიფო საქველმოქმედო დაწესებულებათ და ამით დაასუსტეს ერის მორალური ძალა. — ამბობს დეკლარაცია და ომს უცხადებს ამ სახელმწიფოს, რომელმაც გერმანელ ერს თავზე კლასთა ბრძოლა, მარქსიზმი, სახელმწიფო სოციალიზმი, პარლამენტარული დემოკრატია, ათეიზმი და კულტურულ ბოლშევიზმი მოახვია. ახალი მთავრობა შესძლებს მეორედ დაბადების ხანა განაცდევინოს გერმანელ ხალხს: ის დაუბრუნებს მას ნამდვილ ქრისტიანულ შეგნებას, სულიერ სიმშვიდეს და ეკონომიურ კეთილდობას. ეს ახალი მთავრობა თავისი დეკლარაციით გამომხატველია დაუფარავ რეაქციონურ მისწრაფებების, რომელნიც ასე ასულდგმულებენ გერმანიის ინდუსტრიის და მიწათმფლობელობის წარმომადგენლებს და რომელიც ჰიტლერმა ნიციონალიზმისა და სოციალიზმის ცნებების დამახინჯებით და ერთი მეორეში არეცით ასე მისაღები განადა ომის შემდეგ ინფლაციით და მეორე ეკონომიური კრიზისით დაზიანებულ წვრილ ბურჟუაზიისათვის.

მას ვაპყვა დეკლასიური ნაწილები მუშა-ხალხისა, უმთავრესათ ახალგაზნდობა, რომელსაც ფაბრიკა არც კი უნახავს, რადგან ის სკოლის სკამიდან პირდაპირ უმუშევართა არმიასი გადაირიცხა. და

ასე, სასოწარკვეთილების ნიადაგზე, შეიქნა მომართობა, უსულო და უიდეალო, რომელიც «მესამე სამეფოს» განხორციელებით ხსნას ჰპირდება გერმანიას და რესპუბლიკას განადგურებას უპირებს.

სახელმწიფო საშინელ საფრთხეშია: ფონ-პაპენ-შლაიხერის მთავრობა ჯარზე და ნაციონალ-სოციალისტებზე დაყრდნობილი (მათ მილიტარისტულ ორგანიზაციებს მალე კვლავ ლეგალური არსებობის ულება მიეცემათ), თავს «მაგრად» გრძობს. რესპუბლიკის სატანტო ქალაქს, და ალბათ სხვა ადგილებსაც, უკვე ემჩნევათ სამხედრო ძალის მეთაურების გავლენა მთავრობაში: — ქუჩებზე ეს ერთი ხანია ხშირი სტუმრებია სამხედრო ავტომობილები ჯარის კაცებით, რომელნიც ეტყობა საპოლიციო ფუნქციების ასრულებისათვის ემზადებიან.

რას მოვიტანს ახლო მომავალი?.. ეს კითხვაა, ასე მწარედ რომ აფიქრებს ესლა აქ ყველას, ვინც ახლო განიცდის ასეთ ტანჯვაში შობილსა და განვითარებულს გერმანიის რესპუბლიკის ბედს. ყველას გულისყური ახალ არჩევნებისაკენ არის მიმართული. — არჩევნებისაკენ, რომელმაც 31 ივლისი, ვაიმარის კონსტიტუციის მიღების შემდეგ, მესხეთე რაიხსტაგი უნდა მისცეს გერმანიას. ესლა დათხოვილი ცენტრალური პარლამენტი არჩეულ იქნა 14 სექტემბერს 1930 წელს. გავისენოთ მისი შემადგენლობა. სოციალდემოკრატებს ჰყავდათ რაიხსტაგში 136 დეპუტატი, ნაციონალ-სოციალისტებს — 110, კომუნისტებს — 78, ცენტრს — 69, გერმანულ ნაციონალურ პარტიას (ჰუგენბერგს) 41, გერმანიის სახალხო პარტიას (შტრენემანი) — 30, სამეურნეო პარტიას — 21, კანსერვატორულ პარტიას — 21, ბავარიის სახალხო პარტიას — 19, სოფლის ხალხის პარტიას — 18, სახელმწიფო პარტიას (დემოკ.) — 16, სოციალისტური მუშათა პარტიას (როზენფელდ-ნაიდვეიცის ჯგუფი, რომელიც სოც. დემოკ. ფრაქციას მოშორდა) — 6, ახალგაზნა გერმ. ორდენს (უახლოვდება დემოკრ.) — 6, გლეხთა პარტია — 5, უპარტიო — 1, სულ 577 დეპუტატი. როგორი იქნება ახალი რაიხსტაგის შემადგენლობა? პრუსიის არჩევნები ამ კითხვანე ერთგვარად უკვე იძლევა პასუხს. ალბათ აქაც, როგორც იქ, საშუალო ბურჟუაზიულ პარტიების და ჯგუფების გათქვეფით განსაკუთრებით ჰიტლერის პარტიაში, ჩამოყალიბდება კიდევ უფრო გარკვევით ხუთი დიდი ორგანიზაციული გაერთიანება: სოციალდემოკრატია, ნაციონალ-სოციალიზმი, ცენტრი, კომუნისტები და გერმანელი ეროვნული პარტია. მხელი სათქმელია როგორი იქნება რიცხოზობრივი განწყობილება ამ პარტიათა შორის. ერთი კი არის აშკარა: ნაციონალ-სოციალისტები შედარებით რაიხსტაგის წარსულ არჩევნებთან ხმებს მოიმატებენ და შესამჩნევადაც, თვითონ მათ იმედი აქვთ უმრავლესობის შექმნის და ამას ოლდენბურგის, ანჰალტის და მელენბურგ-შვერინის არჩევნებით ასაბუთებენ. გერმანიის ამ ნაწილების ლანტაგებში ნაც.-სოციალისტებმა მართლაც შესძლეს თავისთვის უმრავლესობის შექმნა. — მაგრამ არ უნდა დავივიწყოთ, რომ აქ ჩვენ უფრო აგრარულ ნაწილებთან გვაქვს საქმე, სადაც მემარჯვენეთა გავლენა მუდამ დიდი იყო.



ამ არჩევნებში განსაკუთრებულ როლს ითამაშებენ სამხრეთი და დასავლეთი გერმანია, რომელნიც ვერ ურიგდებიან ნაციონალ-სოციალისტების ანტიკათოლიციზმს. ვერ ავუვლით გვერდს იმ მოვლენასაც, რომ სოციალ-დემოკრატიულმა პარტიამ წასულ არჩევნებში ბევრ ადვილას (ჰამბურგი, ბერლინი, თვით ოლდენბურგში) ხმები შესამჩნევად მოიმატა. ეს ორი უკანასკნელი მომენტი იძლევა იმედს, რომ ცენტრისა და სოციალდემოკრატიის შანსები მომავალ არჩევნებში ცუდათ არ გამოიყურებიან. თვით მასების ფსიქოლოგიური განწობილებაც, განსაკუთრებით ქალაქებში, ფონ ჰაპენის მთავრობის შედგენის შემდეგ, თითქმის იცვლება. «რკინის ფორტი» შესამჩნევად იზრდება დ კავშირი შემადგენელ ნაწილთა შორის მტკიცდება.

ვერ არის იმედების მომცემი მომავალი არჩევნები კომუნისტების და გერმანულ ეროვნულ პარტიისათვის. რომელნიც ნაციონალ-სოციალისტებისათვის ნამდვილ რეზერვს წარმოადგენენ. ბრძოლა სწარმოებს და იწარმოებს ნაციონალ-სოციალისტებსა (—ერთი მხრით) და სოციალდემოკრატია — ცენტრს (მეორე მხრით) შორის. 31 ივლისი გერმანიის რესპუბლიკის ბედის გადამწყვეტია.

მ.—ანი.

პროფესორი ექვთიმე თაყაიშვილი აუწყებს მეგობართა და ნაცნობთ, რომ ამა წლის ივლისის 10 კვირას ნაშუადღევს 4 ნახ. ს. სოფ. ლევილის სასაფლაოზე გადახდილი იქნება წლის თავის პანაშვიდი მისი დაუვიწყარი მეუღლის

**ნინო თაყაიშვილის**  
სულის მოსახსენებლად.

მატარებ. პორტ ორღენიდან გამოდის 2.30.

### ქართული ენის კათედრა

#### ბელგიის უნივერსიტეტში

პროფესორ ექვთიმე თაყაიშვილის ბრიუსელში ყოფნის დროს აღძრულა საკითხი ქართული ენის კათედრის დაარსების შესახებ აღმოსავლეთის ფილოლოგიის და ისტორიის ინსტიტუტში, რომელიც გახსნილია ბრიუსელის თავისუფალი უნივერსიტეტის ფილოლოგიის და ლიტერატურის ფაკულტეტთან. აქ შემდგარა კომიტეტი წარჩინებული მეცნიერების და გამოჩენილი პირებისაგან, რომელნიც ცდილობენ, შეაგროვონ საკმაო თანხა ამ საქმისათვის, რათა ლექციების კითხვა დაიწყოს მომავალი შემოდგომიდან. ამ კომიტეტის თავმჯდომარეა ბრიუსელის უნივერსიტეტის რექტორი გიორგი სმეტსი, თავმჯდომარის ამხანაგი ჰენრიხ გრეგუარი, ცნობილი ბიზანტოლოგი, ინსტიტუტის ვიცე-პრეზიდენტი; ქართველთაგან დიდის ენერგიით მუშაობს მარკოზ ტულუში, პოლიტიკური მეცნიერების დოქტორი ბრიუსელის უნივერსიტეტისა, რომელიც არის მდივანი და ხაზი-

ნადარი ამ კომიტეტისა; აგრეთვე მონაწილეობას იღებს ინჟინერი დ. ბერეკაშვილი.

პროფესორის ადგილზე კანდიდატათ დასახელებულია პროფესორი მიხ. წერეთელი, რომელიც ასსირიოლოგიის ლექციებსაც წაიკითხავს ბრიუსელის უნივერსიტეტში. კომიტეტს უკვე გამოუცია მოწოდება თანხის შეგროვებისათვის და იმედობებს ქართველი საზოგადოებაც მონაწილეობას მიიღებს ამ ფრიად სასარგებლო საქმეში.

სომხური ენის კათედრა უკვე გახსნილია ამ ინსტიტუტში და პროფესორად მოწვეულია ნიკ. აღონცი. ნახევარ ხარჯებს, ოცი ათას ბელგიულ ფრანკს, კისრულობს სომხების საზოგადოება და ნახევარს კისრულობს თვით ინსტიტუტი.

მოგვეავს ქვემოთ სია კომიტეტის წევრებისა და თარგმანი მოწოდებისა ამავე კომიტეტისა.

მოწოდება: ქვემოთ ხელის მომწერნი წევრნი კომიტეტისა საქართველოს შესწავლის ცენტრის შესაქმნელად მივაქცევთ თქვენს ყურადღებას, თუ რამდენად სასარგებლოა ისტორიკოსებისა, ეთნოლოგებისა და ფილოლოგებისათვის შესწავლა საქართველოს მდიდარი მწერლობისა, საშუალო საუკუნოების ხელოვნებისა და ისტორიისა, რომელიც არის დამატება და შევსება ბიზანტიის, სპარსეთის, მუსულმანთა და სლავთა ქვეყნების კულტურის, დარაიკ უსამართლოდ უყურადღებოდ იყო მიტოვებული დღემდის ბელგიისა და უცხოეთის სხვა უნივერსიტეტების მიერ. ბრიუსელის თავისუფალ უნივერსიტეტის ფილოლოგიის და ლიტერატურის ფაკულტეტთან აღმოსავლეთის ფილოლოგიის და ისტორიის ინსტიტუტის ამას წინანდელი დაარსება შემთხვევას გვაძლევს ამ ნაკლის შესავსებად. ქართული ისტორიის და ფილოლოგიის მიკუთვნებული აქვს ადგილი სომხების შესწავლის სემინარის გვერდით. ერთი, რომელიც დღეს უფრო ცნობილია, ვიდრე როდისმე, და რომელსაც ბელგიის მიმართ ღრმა სიმპატიები აქვს, მიიღებს საქართველოს შესწავლის ცენტრის მოწყობას ბრიუსელში როგორც მისი ათასწლოვან კულტურის პატივისცემის ნიშანს. შედარებით დიდი თანხა არ დასჭირდება, რომ 1932-33 აკადემიურ წელში მოეწყოს ბრიუსელის უნივერსიტეტის აღმოსავლეთის ინსტიტუტში კონფერანსები საქართველოსა და ქართული ენის და ისტორიისათვის. მოგმართავთ მოწოდებით კეთილშობილური დახმარებისათვის ამ თანხის შესადგენად.

თავმჯდომარე გიორგი სმეტსი რექტორი ბრიუსელის უნივ. მისი ამხანაგი ჰანრიხ გრეგუარი, პროფ. ბრიუს. უნივ. წევრები: ქ-ნი ტარდღე-გომბერტ, საპატო ბიბლიოთეკარი ბრიუს. თავ. უნივერ., ლუი დე-ბრუკერი, სენატორი, პროფეს. ბრიუს. თავ. უნი., ალბერ ფრანსუა, სენატორი, კამილ ჰიუსმანსი, დეპუტატი, ყ. მინისტრი, მანფრედ კრიდლ, პროფეს., ისიდორ ლევი, პროფ., ერნესტ მაჰემ, ყ. მინისტრი, სოციოლოგიის ინსტიტუტის დირექტორი, დოქტორი, ყ. მინისტრი, ფრანს ვან-კალკენ, პროფესორი ბრიუს. თავ. უნივ. და მარკოზ ტულუში, პოლიტიკ. მეცნიერებათა დოქტორი.

**ჟენევა აღსასწავლობს 26 მაისს**

ამ დიადი დღის აღსანიშნავად ჟენევის უნივერსიტეტის ყოფილმა რექტორმა, ცნობილმა პროფესორმა ვერნერმა, რომელიც საქართველოს დამხმარე ინტერნაციონალურ კომიტეტის პირველი ვიცე-თავმჯდომარეა და რომელიც თავმჯდომარე ბალშის საზღვარ გარეთ ყოფნის დროს მისი მოადგილეა, გამართა თავის კოაქსია ვილაში მშვენიერი მიღება-საღამო ხსენებულ კომიტეტის წევრთა და ჟენევაში მყოფ საქართველოს წარმომადგენლისა. საღამოზე მიწვეულ იქნა აგრეთვე ლონანაში მცხოვრები ქნი ხერხეულიძისა თავისი ახალგაზდა ქალით თამარით.

საღამოს დაესწრენ თითქმის ყველა ჩვენი მეგობრები: გამოჩენილი პროფესორები როგორც არიან ბერნარ ბუვიე, ედვარ მილო, ეფ. პიტარი, ელუარდ კლაპარედი და სხ., მწერლები, ცნობილი პოლიტიკური მოღვაწეები და ჟურნალისტები. იყვენ აგრეთვე მთავრობის პირნიც. საღამომ მშვენიერად ჩაიარა გუნდ-გუნდათ საქართველოზე გატაცებულ მუსიკაში, რომელიც მხოლოდ ორჯერ იქნა შეწყვეტილი საერთო ყურადღებით, რომელიც გამოიწვია საღამოს შესაფერ წარმოთქმულ სიტყვებმა და გასართობ სამუსიკო ნაწილმა. ქ მაკერნერმა საუცხოვოთ დაუკრა როიალი, მისმა ასულმა და სხვა ახალგაზდებმა ჯერ ფრანგულათ, შემდეგ იტალიანურათ მშვენიერათ იმღერეს. უნდა აღინიშნას მაღლობით ისიც, რომ ქ-მა ხერხეულიძისა მიუხედავად დადლილობისა, ლონანიდან სპეციალურათ მოვიდა და თავისი დარბაისლობით, მოსწრებული სიტყვა-პასუხით და ეშხით ეს საღამო დაამშვენა.

მისალმებისას ფრად გრძნობიერი და ღრმა აზროვანი სიტყვა წარმოსთქვა საქართველოზე მასპინძელმა ვერნერმა, სადაც განმარტა დიდი მნიშვნელობა და ძალა 26 მაისის დღესასწაულისა, რამდენიმეჯერ თავმჯდომარე ყორდანია განსაკუთრებული სიმშურვალით ახსენა, უსურვა მას ხანგრძლივი ცხოვრება და საქართველოს ახლო მომავალში განთავისუფლება. ნ. შავიშვილმა საპასუხო სიტყვაში ქართველი ერის სახელით მადლობა გამოუცხადა ყველა მეგობრებს განსაკუთრებით კი მასპინძელს და მიუთითა ზოგ ფაქტორებზე, რომლებიც ვერნერის მიერ გამოთქმულ კეთილ სურვილებს უეჭველათ სინამდვილეთ გადააქცივენ. დაბოლოს საპატიო თავმჯდომარე ქან მარტენმა მჭერმეტყველური, გულწრფელი სიტყვა წარმოსთქვა, რომელიც გაათავა წინადადებით გაეგზავნოს საქართველოს რესპუბლიკის პრეზიდენტს ნოე ყორდანიას ამ დიდი დღესასწაულის შესაფერი მიმართვა. რაც დამსწრეთაგან ერთსულლოვან აღტაცებით იქნა მიღებული. აი ეს მიმართვა:

**ბატონო თავმჯდომარე!**

საქართველოს რესპუბლიკის დამოუკიდებლობის მოსაგონარ დღეს—იმ დამოუკიდებლობისა, რომელიც ფეხითაა გათელილი, წინამდევ აღთქმისა, უცხოელ ჯართა ურდოების მიერ, მაგრამ რომელიც კვლავ აღსდგება ახალი სიბრწყინვალით, განსაცდელთა მძიმე წლების შემდეგ, საქართველოს დამხმარე

ინტერნაციონალური კომიტეტი შეკრებილი ქნ ხერხეულიძეთა და საქართველოს მთავრობის წარმომადგენლის ბ. შავიშვილის თანადასწრებით, გიცხადებთ თქვენ თავის ღრმა პატივისცემას და გამოსთქვამს თავის ზრყვე რწმენას ქართველი ერის მომავლისათვის.

თქვენ იბრძვით უფლებისათვის, თქვენ ბ. თავმჯდომარეთვ, თქვენი ამხანაგები მთავრობაში და ყველა თქვენი თანამემამულენი, რომლებიც ენდობიან თქვენს სიბრძნეს, პოლიტიკურ გამოცდილებას და მხურვალე მამულიშვილობას. თქვენ იბრძვით უფლებისათვის და მალე იქნება თუ გვიან, გაიმარჯვებთ და გაიხარებთ, რათა ნახავთ ერს, რომელს შეწირეთ თქვენი სიცოცხლე, აღდგენილს, დამოუკიდებელს და თავისუფალს.

გთხოვთ, რათა კეთილ ინებოთ და გადასცეთ საქარ. მთავრობის წევრებს ჩვენი გულითადი პატივისცემის გრძნობები.

**26 მაისი პარიზში**

26 მაისი ორნაირათ იქნა წელს გადახდილი პარიზში. ნამუადღევის 4-დან 7 საათამდე მიღება ჰქონდა საქართველოს ელჩს და მიღებაზე დაესწრენ როგორც ქართველები, ისე უცხოელნი. ქართველთა შორის იყვენ მთავრობის წევრები თავმჯდომარის მეთაურობით. პარტიათა წარმომადგენლნი, კოლონიის გამგეობა, აგრეთვე საქველმოქმედო და კულტურულ დაწესებულებათა მეთაურნი. უცხოელთა შორის იყვენ მეზობელ რესპუბლიკების, უკრაინის და თურქესტანის წარმომადგენლნი; ბლომათ დაესწრენ ფრანგები, აგრეთვე ელჩები დიპლომატიურ კორპუსიდან. მთელ ეს რჩეული საზოგადოება მეგობრული და ინტიმური მუსიკით ერთობოდა და გამასპინძლებით ძლიერ კმაყოფილი დარჩა.

საღამოს 9 საათზე გაიმართა ქართველთა სახეი-მო კრება კოლონიის თავმჯდომარის ბ. გიორგი ქურულის მეთაურობით. სანამ 26 მაის შეეხებოდა, ბ. ქურულმა გრძნობიერი სიტყვით მიმართა ფეხზე მდგომ კრებას საფრანგეთის პრეზიდენტის პოლ დუმერის ვერაგ მკვლელობის გამო და აღნიშნა როგორც გარდაცვლილის დიდი ღვაწლი. ისე ქართველთა ღრმა მწუხარება და თანაგრძნობა დიდ ფრანგ ერისადმი. გლოვის ნიშნათ სხდომა შეწყვეტილ იქნა რამდენსამე წუთით.

სხდომის განახლებისას კრების თავმჯდომარემ ბ. ქურულმა მხურვალე სიტყვა წარმოთქვა 26 მაისის გამო, სადაც დაასურათხატა ჩვენი ქვეყნის დევანდელი მდგომარეობა, მისი გმირული ბრძოლა თავისუფლებისათვის და იმედი ამ ბრძოლის დაგვირგვინებისა. მან მოუწოდა პოლიტიკურ ემიგრაციას ერთსულლოვნებისაკენ. შემდეგ ძლიერ მოხდენილი მოხსენება წაიკითხა ბ. შალვა ამირეჯიბმა სათაურით «ქართულ კულტურისთვის», რამაც საზოგადოება მეტათ დააინტერესა, ქართულმა გუნდმა რამდენჯერმე იმღერა ქართული ეროვნული ჰიმნი.



26 მაისი ბერლინი

ისტორიული ამბები

26 მაისი ტრადიციული ხალისით გადაიხადა ბერლინის ქართველ კოლონიამ.

საზეიმო კრებას კავკასიელ მეზობელთა გარდა დაესწრნენ გერმანელები, თურქესტანელები, უკრაინელები.

კრებას თავმჯდომარეობდა ქარ. კოლონიის თავმჯდომარე ბ. ს. გეგელაშვილი, რომელმაც დღის შესაფერი სიტყვით მიმართა კრებას და ქართველებს ერთობისაკენ მოუწოდა.

მოკლე ისტორიული მიმოხილვა საქართველოზე გააკეთა გერმანულ ენაზე მ. წულუკიძემ.

მისასალმებელი სიტყვები წარმოთქვა: უკრაინელმა, აზერბეიჯანელმა და თურქესტანელმა.

იყო დეპეშები და წერილობითი მისალმებებიც.

ქართველები ხარბინში

ხარბინში გამოდის პოლონური გაზეთი «Listky Harbinskie», რომელიც ხშირად ათავსებს წერილებს და ცნობებს ქართველების შესახებ. სხვათა შორის მაისის 15 დაიბეჭდა ექიმ ჯიშკარიანის საინტერესო წერილი «საქართველოს დამოუკიდებლობის დღეს სწაული».

ქართული მოხსენება რადიოთი

გიორგი ნაკაშიძემ აპრილის 26 ვარშავის მთავარ რადიოს შემწევობით გადასცა ყველა ქვეყნებს ქართულ ენაზე მოხსენება «საქართველოს დამოუკიდებლობის იდეა მე-19 საუკ. ქართულ მწერლობაში».

ქ-ბ მაგდა მიურატის მოხსენება

23 მაისს France-Orient-ის საზეიმო დარბაზში ქ-ბ მაგდა მიურატმა წაიკითხა მოხსენება სათაურით: «უკრუს ვერძის ქვეყანაში». ეს მოხსენება რამდენისამე წლის წინეთ უკვე წაიკითხა მან გეოგრაფი-საზოგადოებაში და როგორც მაშინ, ესლაც მრავალრიცხოვანი მსმენელნი ძლიერ კმაყოფილნი დარჩნენ. ახალგაზნა, წარმტაცი სახის მანდილოსანი, მშვენიერი დიქტია, პოეტური შიხარისი, პოლიტიკური ტენდენცია—ყველა ეს დიდ შთაბეჭდილებას ახდენდა მსმენელებზე. მოხსენებას თან სდევდა სურათები ეკრანზე საქართველოს ბუნებიდან, ხეოთ-მოდღვრებიდან, მეურნეობიდან, ტიპებიდან.

ქ-ბ მაგდა მიურატისა თავმჯდომარის ამხანაგია «საქართველოს ფრავ მეგობართა საზოგადოებისა» და დიდის თანაგრძობით ეკიდება ყოველგვარ ქართულ საქმეს. სწორეთ მისი თაონობით უნდა გამართულიყო დიდი საქველმოქმედო ბალი, მაგრამ იგი გადაიღო შემოდგომამდე პოლ დუმერის ტრადიკული სიკვდილის გამო.

ბაგრატ მეოთხის სიკვდილი (1072 წ.)

ნაჭარმაგვეში დიდი მწუხარება იყო. გარე უბნად დაბანაკებული სპანი ჩვეულებრივ არ მხიარულობდნენ და სიმღერით და სახიობით არ გაერთობოდნენ. ვარანგთა რაზმიც\*) დუმილს მოეცვა. სამეფო ტახტის (სასახლის) წინ მრავალ ერს მოეყარა თავი, ყველა კარებისკენ გაიქირებოდა და მოუთმენლათ მოელოდა რაიმე ახალი ამბის გაგებას.

კვდებოდა ბაგრატ მეოთხე, აფხაზთა და ქართველთა მეფე. სამშვილდში მდგომს მუცლის საღმობა დაეცა. გაუძნელდა ფრიად და ტახტით წარმოიყვანეს ქართლს და დაბინავეს ნაჭარმაგვეის სასახლეში. დარბაზში ავადმყოფის სარეცელთან მთელი მისი სახლეული შეკრებილიყო—ქ იყვნენ მემკვიდრე გიორგი, დედა დედოფალი მარია, ასული სომეხთა მეფის სენექერიმისა, ცოლი ბორენა, და ოვსთა მეფის დურღულელისა, ასული მარია, ერისთავნი და ყოველნი დიდებულნი. ლოგინის მარჯვნი იდგნენ ვაზირთა უპირველესი მწიგნობართ უხუცესი და სპასალარი, სპათა უმფროსი. მოშორებით კუთხეში ეზოს მოძღვარი მდაბალი ხმით ლოცვანს ჰკითხულობდა, ხოლო სარკმელთან მწიგნობარს მუხლებზე გადაშლილი ეტრათი ედვა და ხელში კალამი ეჭირა, რომ ჩაეწერა, თუ მეფე რისმე ბრძანებას ინებებდა.

სდუმდნენ ყველანი—არავითარი იმედი იყო მეფის მორჩენის—, დამწუხრებულნი დასცქეროდნენ მომაკვდავს და სულ განაბულნი ყურს უგდებდნენ მის მისუსტებულს სუნთქვას.

სდუმდა თვით ავადმყოფიც და ყველაზე უკეთ ჰგრძნობდა, რომ ეს დღე იყო უკანასკნელი მისი ორმოცდათქვამეტი წლის სიცოცხლისა!

სდუმდა და იგონებდა გარდასრულს:

რაოდენ მწარე და თან ტკბილი იყო მისი, განვილილ წელთა უგრძესი, ცხოვრება—მოუსვენარი, მუდამ მტრებთან ბრძოლაში გატარებული, საქართველოს აღმატებისათვის! ჯერ კიდევ ჩხვილი ბავში იყო, სამი-ოთხი წლის, რომ კეისარმა ვასილმა მძევლად წაიყვანა კონსტანტინეპოლს, რომ გაეტეხა წინამდევობა ბაგრატის მამის. რა ცხარე ცრემლებით სტიროდა და მაგრად ეკვროდა დედას გულში!..

რამდენსამე წელს დარჩა უცხო ქვეყანას და როდესაც მამა გარდაიცვალა, მეცხრე წელიწადი უსრულდებოდა მხოლოდ. ვით შეეძლო მას პატრონობა, და განუდგნენ ერისთავნი, მორითეს ბერძენნი და იწყეს რღვევა ქართლისა...

დედოფალი მარია დაუზავდა საბერძნეთს და სთხოვა კეისარს მოეყრობა და ძმის წული ელენე ბაგრატისათვის. ხოლო ელენე გარდაიცვალა მალე და ბაგრატმა შეირთო მეორე ცოლი, დედოფალი ბორენა. უკვე მომწიფებული მეფე შეუდგა ბრძოლას ერისთავების წინამდევ, რომელნიც მეფობის დაუძღურებას და ქვეყნის დანაწილებას ცთილობდნენ.

\*) ბაგრატს 3000 ვარანგი-ნორმანი ყავდა თავის ჯარში.

ყველაზე უძლიერესი ლიბარიტ ორბელიანი იყო, კაცი ორგული; საქართველოს მტრებს ემხრობოდა და მათი მეგობრობით უნდოდა ტახტის წაქცევა. ანაკოფიიდან ბაგრატიის ძმა დემეტრე გადმოიყვანა და მეფედ გამოაცხადა. ერთხელ ძლიუღმა ბაგრატის მიერ, მეორედ მოიწვია საბერძნეთიდან გაქცეული დემეტრე და ბერძენთა და სომეხთა დახმარებით ბრძოლა განაახლა.

შეეშინა ბაგრატი ქვეყნისა განხეთქილებისათვის და წარვიდა ლიბარიტთან მორიგების სათხოვნელად, ხოლო ლიბარიტმა არ მოისურვა მეფის ნახვა, და გამარჯვებულმა აფხაზეთში გააქცია...

ლიბარითი ვერ გასტეხა სელჩუკების ტყვეობაში ყოფნამაც, რომელთაც ის დაამარცხეს, საბერძნეთს რომ ეხმარებოდა. ხოროსანიდან დაბრუნებულმა კვლავ აამხედრა ქართლის ერისთავნი, კახეთი, მორითო ბერძნები და სომეხები და მეორედ აიძულა ბაგრატი დაეტოვებინა ქართლი და იქ მისი შვილი აკურთხა მეფედ...

აუტანელი ვახდა ლიბარტის მძლავრობა, ბაგრატის ერთგულმა სულა კალმახელმა და მესხებმა შეიპყრეს და შებოროტლი შვილითურთ მიგვარეს მეფეს. დიდებულნი მოითხოვდნენ მის სიკვდილს, ხოლო ლიბარტი ითხოვდა შებრალეობას და მეფემაც შეიწყალა, და წარვიდა კონსტანტინეპოლს და იქ გარდაიცვალა მონაზონობაში.

«მანც შეუწდე, უფალო, მას შეცოდებანი მისნი — ღმერთს შეევედრა ბაგრატი თავის გულში: რამეთუ უფროს ყოველთა დიდად იღვაწა საღმრთოთა წიგნთა გადაწერისათვის და მორწყეს ეკლესიანი წიგნთა მისთა».

«და განა უდიდესი ბრალი მისი იყო? — ფიქრობდა მეფე: მთავარი შემცოდენი კეისარნი არიან, რომელნიც თავის უგნურებითა აქებებდნენ მას და ამბავებდნენ თავის სპითა. ბრძანი და ცრუმსაჯველნი! აგარიანთა წარიდეს მათი ქვეყანანი და დღესაც მათი სრული მოსპობისათვის განმზადებულან, და ამის მაგიერ, რომ სარკინოზთ შეებრძოლონ და თანა შეიწიონ ჩვენი ძალიც, ჩვენ გვემუქრებიან — ერთმორწმუნეთ, ჩვენი დანგრევა და დაუძლურება სწადით!».

«დაემოყვრდით კიდევ — მე ცოლად მყავდა ბერძენთა დედოფალი და ჩემი ასული მართა დღეს კეისრის მიხაილის ცოლია. მაგრამ საბერძნეთი ისევ ძველი გზით ვალს. შინაც განუწყვეტელი შფოთი აქვთ, სასახლე სისხლთაა მორწყული, მეფე მეფეზე იცვლება და მე უკვე მეთორმეტე კეისარს მოვესწარი. არ რას ხედავს კონსტანტინეპოლი და მოუვლენს მას ღმერთი რისხვას საშინელს, ვით მოუვლინა საღმრთობა, უცნაური ჩემს მბრძოლს კეისარს კონსტანტინეს, და მე დავიბრუნე ბერძენთა წაღებული ციხენი.»

«დიდდება აწ სამეფო ჩვენი და მცირდება საბერძნეთი და აღარავის უნდა მისი კუროპალატობა, არცა ნობილისიმობობა, არც ნევასტოსობა. მეფე აფხაზეთა და ქართველთა მეფეა და პატრონი აღმოსავლეთის, თვითაა კეისარი»...

აქ ბაგრატი შეფიქრანდა: თვალწინ წარმოუდგა თურქთა სელჩუკიანთა სულთანი არპ-ასლანი და მისი საშინელი შემოსევანი.

«ხალიფასანი ძლიუღნი არიან, ეს თურქები ვინაა გაჩნდნენ? ხვარაზმიდან წამოვიდნენო, ხატაეთი დაუპყრიათ, დიდი ინდოეთი, ხალიფა გადაუღლიათ და ეკვეთნენ ბერძენთ. მოაწიეს ჩვენ სამეფომდე, შემუსრეს ახალქალაქი და წითლად შეღებეს მდინარე... მეორედ შემოვიდნენ. მოარბიეს ქართლი და მოსწყვიტეს ურიცხვანი ქრისტიანენი. მკაცრმა ზამთარმა გასწყვიტა, ვინც კი გადაურჩა მტერს. ვერა გასძლო სულთანმაც, წარვიდა, ხოლო ითხოვა ხარკი და მისცა ტფილისი განძის ამირას ფალდონს. იწყო ამან ბრძოლა, და წარვგზავნე სპანი ჩემნი და გიორგი, აილეს და ააოხრეს განძა და მრავლითა ალაფითა და ნატყვევნავით დაბრუნდნენ გამარჯვებულნი და თანა მოიყვანეს ფალდონ შეპყრობილი.»

«დავიმორჩილე და შემოვიერთე კახეთიც და მეგობარი ვახდა ჩემი სულთანის და მოავლინებს ძღვენთა და მოციქულთა და არის აწ ჩვენს შორის სიტყვა სიყვარული».

გაიხსენა ბაგრატი ყველა თანამოღვაწე, რომლებიც მასთან იყვნენ მარად მეფობის განმტკიცებისა და ქვეყნის დასაცავად. გაიხსენა ის ბრძენიც კაცნი სწავლულნი და ფილოსოფოსნი, რომელთაც წესიერება დაამყარეს და განანათლეს ერი ჩვენი, და განსაკუთრებით ცხოვრება დაეხატა წინ გიორგი მთაწმინდელი, კაცი ზეცისა და ანგელოზი ქვეყნისა, დიდი მნათობი ჩვენისა ნათესავის...

მაგრამ მოგონებათა ძაფი ერთბაშად გაწყდა. ავადმყოფმა დიდი დაუძლურება იგრძნო. სიკვდილი თანდათან უახლოვდებოდა მის გულს.

ცოტა ხნის შემდეგ თვალი მიმოავლო მის გარშემო შემოკრებილთ, თითქოს უნდოდა უკანასკნელად გამოთხოვებოდ თავის თანამგზავრთ — ყველანი გამოცდილნი ყავდა, ერთგულნი იყვნენ. იმელი და რწმენა გაუმავრა მამავლის: «საქართველო იქნება მთელი და ძლიერი, ოღონდ იყოს ერთად და მთლიანად».

ამ დროს მღვდლის ლოცვის სიტყვები შემოესმა, ოდნავად ხელი ასწია და მწიგნობართ უხუცესს სთხოვა: «არა ჩემთვის, არა ჩემთვის, ილოცეთ საქართველოს საზღვრების სიმტკიცისათვის, მთავართა და წყნარებისათვის, მტერთა უკუქცევისათვის».

შეხედა შვილს გიორგის — არა ჰქონდა შიშო მისი გონიერების და მკლავის, შეხედა ცოლს ბორენას დაუმაღლა მდუმარედ და ღრმად ჩააცქერდა დედას და მისმა გუპზრალმა ტანმა ჰპოვა ორი ცრემლი, რომელიც მოადგა თვალებს, და ჰრქვა მიღუული ხმით: «დედაო, მეწყალვი შენ, რამეთუ ყოველნი შობილნი შენნი წარგვიქციენ წინ და ეგრეთა შენ მოკვდები».

«დედაო, მეწყალვი შენ, რამეთუ ყოველნი შობილნი შენნი წარგვიქციენ წინ და ეგრეთა შენ მოკვდები».

ეს იყო მისი უკანასკნელი სიტყვები. მალე ეკლესიის ხარებმა აუწყეს ყველას, რომ ბაგრატი მეოთხე ამ ქვეყნად აღარ იყო. საღამოს სწრფმსრბოლნი წარვიდნენ ყვლისა კუთხისაკენ ახალის მეფის გიორგის ბრძანებით, ხოლო საგანგებო მანდატურები გაგზავნილ იქნენ ჰყონდიდს, რათა მოემზადებიათ იქ საფლავი მიცვალებულისთვის, თანახმად მისი ანდერძისა.

ს. ფიტცხალავა.